

**Temblor registra
Diamars mainta
trempan
zuidwest di
Aruba**

DOW y varios departamento mas a yuda haci ex-Reina Beatrix School limpi



ORANJESTAD (AAN): Manera ta conoci, Gobierno nobo a sinta y a dicidi cu nan ta cuminsa mesora loran-do manga, y acudi na e ex-edificio abandona di Reina Beatrix School na final di George Madurostraat pa pone man na obra. Aki ta unda nan a tene un conferencia di prensa tambe.

Diferente Ministro y tambe sostenedor di Gobierno tabatey pa asina haci algo cu e meta pa ruim op tur cos, y habri caminda pa por traha bek riba e scol aki y trece den forma optimal pa e scol bay bek eyden.

Hopi persona ta mira cu e Scol aki a nifica hopi den historia di Aruba, y no por djis bay laga e edificio aki pa perdi, y pone scol otro caminda.

Banda di 10:00 am, a mira presencia di DOW tambe y demas contratistanan cu a yega pa haci e speelplaats di e scol limpi.

Atardi, DOW y mas instancia a tene reunion cu e.o. Stichting Monumentenfonds y tambe Departamento di DIP pa asina elabora riba e situacion di e edificio, y pa pia riba restauracion di esaki.

Apesar cu Fiscal a existi 9 aña di prison

Inespera Hues a ordena pa laga sospechoso di matamento den Pindastraat liber

- Abogado ta insisti cu el a djis defende su mes
- Te aki 2 siman lo haya sa pakico el a keda libera

FMVTBV ta invita henter comunidad pa bisti na blow dia 11 di April:

**April ta e Luna di Prevencion y Concientizacion
di Abuso di Mucha, decreta pa Gabinete Wever-Croes**



ORANJESTAD(AAN) — Señora Lisette Gomez, fundador di e Fundacion “Mi Voz ta Bo Voz” (FMVTBV) a yama un rueda di prensa, tocante e tema di Luna di April, cu ta un luna cu recientemente a wordo decreta pa Gabinete Wever- Croes, como “Luna di Prevencion y Concientizacion di Abuso di Mucha”.

Lisete a menciona cu Fundacion Mi Voz ta Bo Voz, tin mas of menos 4 aña di lan- ta, pa uza e luna aki pa pone un dia special pa e comuni- dad di Aruba bisti na blaw p’asina nos por inculca den dje e motibo pa haci esaki, vooral cu nan tin mas cu 15 aña caba, riba e lucha aki di

abuso sexual di mucha.

“Nos kier pa cumin- za cu e parti preventivo ta un poco mas fuerte den e comu- nidad y e parti di concientiza- cion pa mayornan y henter pueblo por compronde kico abuso sexual ta y ki efecto tin pa nos muchanan y pa e comu- nidad di Aruba.

“No tin un fecha fiho pasobra tur aña e fecha ta cambia, y e motibo di esaki ta Semana Santa, dus e di- anan liber, y e aña aki, e dia pa bisti na blow ta Diabierna 11 di April. Nos ta pidi comu- nidad di Aruba, scolnan, oficina of cualkier persona individual cu kier doemee cu e proyecto aki, pa e dia aki bisti na blaw. Bo ta saca un

selfie, un potret di grupo, por ehempel. Na nos scolnan cu ya caba un par di aña ta doe- mee, p’e muchanan tur bisti na blow, y manda e potret na 562 9820, cual ta e number (Whatsapp) di e fundacion. Of pose esaki via facebook, na Mi Voz ta Bo Voz”, Lisete a indica.

El a agrega cu e aña aki lo tin tres premio pa e potret mas creativo. E ta gradici e sponsornan cu lo coopera cu esaki. Riba face- book MVTBV por haya tur e informacion necesario y p’esey e kier encurasha henter e comunidad di Aruba, pa uni na e causa aki, ban pusha riba e aspecto preventivo, p’asina por evita mas tanto caso po- sible.

Parlamentario Shailiny Tromp-Lee:

Ta keda na pueblo pa ta skerpi y exige pa Gabinete Croes-Eman cumpli cu nan promesanan y ya nan a sali malo caba

ORANJESTAD (AAN): Diabierna siman pasa nos ta continua cu tratamento di presupuesto di Pais Aruba pa aña 2025. Un presupuesto prepara y presenta pa Gabinete Wever-Croes pero cu continuacion di su tratamiento a keda defendi pa Gabinete Croes-Eman.

Na mi opinion e situacion aki sigur tabata uno hopi peculiar. Banda di e echo cu apenas algun ora prome cu e reunion a inicia e gobierno nobo cu a huramenta dilanti di Gobernador y cuta apenas

e dia prome parti atardi partidonan Futuro y AVP a firma nan acuerdo di gobernacion. Un acuerdo cu como parlamentario via canalnan inoficial mi a ricibi.

Sigur durante e reunion mi a haci uzo di e oportunidad pa felicita Gabinete Croes-Eman cu nan nombracion y a desea e gabinete completo hopi sabiduria y inteligencia. Y a enfatisa e echo cu mi ta spera cu enberdad nan por traha na bienestar general di nos pais y nos hendenan, y cu lo sa di aplica reglanan di bon

governacion y un maneho financiero responsabel. Pasobra realidad ta cu mi ta spera di curason cu nan lo haya e forsa necesario pa por confia otro, laga bienestar general prevalece y no di partido y/of esun personal, y cu nan por laga nan pasado amargo atras y enberdad forma e equipo necesario pa por maneha e pais aki.

Como un 'outsider' ami como parlamentario y pueblo en general a experencia cu nan relacion a start hopi 'stroef'. Ta di



spera cu riba un tempo corto, contrario na e proceso di formacion, nan por accelera e proceso di mehoracion y fortificacion di nan relacion. Pasobra awor nan mester cuminsa traduci palabranan bunita den realidad.

Riba tereno financiero Gabinete Wever-Croes a laga hopi placa den caha pa nan por cristalisa nan promesanan. Ta keda na pueblo pa keda skerpi cu e cumplimento di parti Gabinete Croes-Eman awor.

Ya a sali na cla durante e reunionnan aki cu nan no lo cumpli cu e aumento di pensioen

cu Afl. 700 den 100 dia mas.

Tambe nan a tuma e decision pa kita e posibilidad pa FCCA por haya un fianza di Gobierno di 17 miyon na interes abou pa por bin cu 150-200 cas social y Afl. 2.7 miyon pa yuda FCCA cu suma di huur di cas. Banda di e tristo realidad cu mediante e nota di cambio presenta pa Gabinete Croes-Eman a corta den servicio y producto, cual ta nifica entre otro (tin mas) un recorte di: 1.4 miyon den Turismo y Salubridad Publico, 2.9 miyon den Enseñansa y Deporte y 6.2 miyon den Husticia y Asuntonan Social.

Temblor registra Diamars mainta trempan zuidwest di Aruba



ORANJESTAD (AAN): Riba Diamars mainta, 1 di April 2025, seismometers a detecta un temblor den cercania di Aruba.

Tabata exactamente 7:19 am cu e movimiento di tera a wordo detecta. E epicentro a keda localiza na 11.69° Nort, y 70.59° West. E ta na entrada di Golfo di Venezuela. E epicentro ta exactamente 109 km Zuid-Zuidwest di

Wilhelmina Park na Oranjestad, Aruba. E ta igual cu 112 km Zuidwest di Baby Beach na Aruba. E ta igual cu 44 km West di Punto Fijo na Venezuela.

Su magnitud ta di 2.7° riba Scala di Richter. E tabata na un profundidad di 35.1 km.

No a drenta ningun informe di daño ocasiona pa e temblor liviano aki riba Diamars mainta.

BOPEL TECHNICAL SERVICES NV

Tin vacatura pa lo siguiente:

- Elektrotechnisch Medewerker (Fulltime)

Jouw taken en verantwoordelijkheden onder andere:

- Installeren, onderhouden en repareren van elektrotechnische installaties;
- Opsporen en verhelpen van storingen;
- Uitvoeren van inspecties en keuringen;
- Meewerken aan innovatieve projecten binnen de elektrotechniek;
- Adviseren en ondersteunen van klanten en collega's.

Wat wij van jou vragen:

- Een afgeronde MBO- of HBO-opleiding in Elektrotechniek;
- Ervaring in de elektrotechnische sector is een pré;
- Kennis van de geldende normen en regelgeving;
- Zelfstandig kunnen werken, maar ook een teamplayer zijn;
- Oplossingsgericht, nauwkeurig en klantgericht werken;
- In het bezit van een rijbewijs B.

Por pasa solicita personalmente na nos oficina situa na Kas Paloma # 70, di Dialuna pa Diabierna entre 7:00am - 12:00pm y 1:00pm - 4:00pm. Tel. 5833030



Apesar cu Fiscal a exigi 9 aña di prison

Inespera Hues a ordena pa laga sospechoso di matamento den Pindastraat liber

- Abogado ta insisti cu el a djis defende su mes
- Te aki 2 siman lo haya sa pakico el a keda libera



ORANJESTAD (AAN): Dialuna mainta Hues di Corte den Promer Instancia a cera tratamento di e caso penal contra Gregory Junior Zuleta Rave di 22 aña, kende ta e sospechoso di a mata Corniel Tejada riba 3 Juli 2024. Ta asina cu e sospechoso a presenta den Corte y Hues a bisa

cu e ta sera tratamiento di e caso y dia 15 April 2025, e lo dicta sentencia.

Fiscal a exigi 9 aña di prison: Den Corte dia 14 di Maart 2025, tratamento di e caso a tuma lugar caminda e sospechoso Gregory ta para riba cu el a defende su mes contra e victima

Corniel Tejada.

Fiscal no ta haya cu Gregory a defende su mes sino cu a dal mata e victima. Fiscal ta haya Gregory culpabel di a mata Corniel Tejada y a exigi 9 aña di prison.

Sospechoso laga liber: Por a compronde cu Diamars mainta, Hues a duna orden pa laga Grego-

ry liber. E noticia aki a cay manera un sorpresa. A haya confirmacion di esaki cerca e abogado di Gregory, mr. Canwood. E abogado, durante tratamiento di e caso dia 14 di Maart 2025 a bisa Hues cu Gregory a actua den defensa propio contra Corniel Tejada y ta haya cu mester declara Grego-

ry liber. Normal, ora cu un sospechoso ta worde laga liber promer cu tin un sentencia, ta indicacion cu Hues tin un otro opinion cu loke Fiscal a trece padilanti. Pa awor tin di sinta warda te dia 15 di April 2025, lo haya sa pakico Hues a ordena pa laga Gregory liber y kico ta su sentencia

Fiscal Zamira Paesch di OM:

Polis ta subi caya cu papel di OPV imprimi pa yena eyan mes hunto cu e chauffeur ora constata infraccion

ORANJESTAD (AAN): Fiscal Zamira Paesch, a reitera cu Ministerio Publico a bin cu cambio riba e sistema di boet for di aña 2023, y polis ta subi caya cu e papel aki conoci como OPV, imprimi, pa ora ta constata infraccion den trafico.

Na momento cu polis constata e boet, e ta yena e documento hunto cu e persona den auto, y nan ta skirbi e nomber, cu auto e ta coriendo, number di auto, fecha cu ta constata e infraccion, y e tin cu marca tur locual e ta wak, traha su processverbaal, y e ta



marca tambe e dia cu e persona tin cu presenta na Corte.

E persona cu a comete un infraccion den trafico, ta haya un copia. E papel aki ta wordo imprimi

den tres diferente color: blanco, cu ta bay pa Hues, berde cu ta keda na Ministerio Publico, pa e Fiscal cu ta bay atende cu e caso den Corte, y e persona cu a comete e

infraccion aki ta haya e color geel.

E papel aki tin un number unico tambe cu bo por ariba "OPV number" y esey ta mara na e boet cu e persona a haya y tambe na ki suma e tin cu paga.

Fiscal Paesch a splica cu leynan di trafico ta hopi amplio, y na momento cu nan a diseña e documento aki, nan a kies e infraccion di mas comun: coresinrijbewijs, core sin safety belt bisti, etc. Y sigur, ora cu polis duna e boet, naturalmente ta duna e copia tambe na e persona concerni. Esey no kiermen cu polis no

por aplica otro leynan di trafico cu no ta riba e OPV aki. Por ehemplo, si bo ta coriendo hopi duro y pone trafico na peliger (articulo 2 di ley di trafico), no ta riba e OPV aki, pasobra polis lo mester bay elabora mas kico ta e acto cu e persona a haci pa pone e trafico na peliger. "Esey no ta nifica cu bo ta haya e boet segun e sistema bieu cu e boet ta yega bo cas, despues. Pero e OPV aki ta pa mehora e control di trafico, cu e leynan pa infraccionnan mas comun", Fiscal Paesch a reitera.



Cuminsando cu 4 florin, bo por gana e suma grandi aki

Afl.

240.000,-

Obtenibel na cualkier rebendado di Lotto.

sorteo ta awe nochi 7:45 pm



HUNGA AWO



Temporada di horcan 2025 cu intensificacion di peliger mas grandi

"Run and hit" lo bira identificacion temporada di horcan 2025

**Intensificacion rapido ta exige preparacion prome cu temporada*

**Beach ta e centro di impacto grandi di horcan pa hopi motibo*

ORANJESTAD (AAN) — E prome tres lunanan di 2025 ta tras di lomba. Cu inicio di April, Aruba mester cuminsa prepara su mes pa uno di e peor enemigonan natural di hende, cu ta un horcan.

E capacidad destructor di un horcan, ta sconde den su bien-tonan y e energia cu ta surpasa e potencial pa destruccion di varios bom nuclear.

Na inicio di e temporada 2025 pa e region di cual Aruba ta forma parti cu ta Oceano Atlantico, preparacion mester ta un hecho y mester deshaci tambe di creencianan antiguo, manera tormentanan importante a duna prueba durante ultimo aña.

E ser humano cu kier tuma control riba naturaleza, a haci esaki a base di progreso contra naturaleza, cu tabata su inspiracion pa descubrimiento-nan nobo.

Di e descubrimiento di candela, cu tin efecto directo riba naturaleza no solamente pasobra e ta kima pero pa loke e ta deponen den aire, hende a duna continuacion na creacion di situacionnan cu ta afecta e curso natural di mundo.

Mas hende progresa, mas naturaleza ta duna prueba cu e no por wordo controla pero cu mundo mester adapta na su exigencianan pa sobrevivencia di hende, di naturaleza y di mundo mes.

Condicionnan di calor cu a nace di cliamanan cu hende a afecta cu cantidad di descubrimiento y forma nobo di vida, ta causa efectonan desastroso pe hende.

Pa cuminsa por nota, cu e laman cayente entre costa Africano y e region central di continente Americano, a trece cambio den loke hende a establece como comportacion general di horcan.

Mas y mas por a nota, con horcan poderoso por nace prome cu e temporada di horcan y cu despues cu e temporada aki termina, ainda tin posibilidad pa e sistemanan destructor, sigui presenta nan mes sin avisa.

Pa hende por a prepara su mes pa enfrenta temporada di horcan, el a cuminsa tuma pakete

di medida pa evita e resultado desastroso di un horcan.

Hende a crea ruta, velocidad y cantidad di cualidad pa horcan-nan, cu awor ta kibra tur regla den un ambiente natural nobo cu hende mes a comberti den mihor facilidad pa mas peliger di horcan.

Preparacion contra un horcan, ta e arma mas eficaz cu hende tin y esaki ta encera, cu hende ta prepara su mes pa sobrebibi un horcan.

Un punto importante semper tabata, cuanto tempo tin pa un comunidad bati alarma y prepara contra un atake di un horcan.

Mester tene na cuenta e realidannan di un horcan, cu ta sigur destruccion grandi na lugarnan cu areanan di beach grandi y cu nivel di tera cu no ta hopi mas halto cu laman.

Na momento cu un horcan yega cerca, hende mester bandona e lugarnan directamente na beach, pero con leu hende mester bay for di beach, ta keda e pregunta.

Beach ta e lugar mas peligroso den tempo di horcan pa hopi motibo, manera na paisnan grandi, ta keda confirma.

Na momento cu un horcan ta alcanza tera, e ta controla te den fondo di laman, cu e ta atrae pa su centro di energia enorme.

Ora contempla laman prome cu un horcan, por nota cu e ta bira calmo y hasta ta parce cu e beach ta bira mas grandi. Esaki ta e prueba grandi di loke ta den preparacion di e sistema cu ta atrae energia destructivo cu cual despues e ta azota tera firme.

E temperatura halto di laman ta sumamente importante den formacion di mal tempo y ta alimenta e sistemanan mas monstruoso riba nan ruta devastador.

Pa por confronta y prepara pa tur peliger, hende a realiza cu preparacion for di tempran ta e mihor forma pa confronta peliger di un horcan.

Pa Aruba sigur esaki ta un hecho. Manera ya bisa, e beachnan cayente di Aruba ta un entrada perfecto pa tera pa un sistema tropical.


Aruba no tin hopi cero, cu ta duna proteccion y defensa na un pais ora un sistema tropical ta acerca.

Economia di Aruba ta depende di e parti mas vulnerabel na momento cu bati alarma di horcan. Teniendo cuenta cu e turista, evacuacion y proteccion humano den e area di hotelnan ta bira un asunto primordial.

Pa Aruba pues e tempo pa prepara pa un sistema tropical, cu no necesariamente hasta mester di forza di horcan pa azota Aruba, ta sumamente importante.

Informacionnan nobo ta indica, cu ta hustamente riba e tereno di preparacion mester tene cuenta cu e cambio grandi.

Cientificamente a keda proba, cu e no solamente e forza y posibilidad pa un horcan a aumenta, pero cu e velocidad cu



cual un horcan ta desplaza su mes, a aumenta.

Esaki pues ta duna hende menos tempo pa prepara nan mes loke ta nifica cu comunidad awor mester cuminsa traha riba e proximo temporada.

DIARIO, prepara pa na forma y cu preparacion profesionalpa

informa publico como corant, lo guia su lectornan den temporada di horcan, na 2025 lo cumpli cu su tarea cu asistencia cu semper el a goza di expertonan local y internacional, semper a base di Servicio Meteorologico, como autoridad di asunto di clima.

De AFTA zoekt nieuwe collega's

De Aruba Fair Trade Authority groeit en is op zoek naar een nieuwe onderzoeker.

Vacature:

- (Senior) Onderzoeker


Vereist

- Een WO opleiding in een economische of juridische richting

Contact

- info@afta.aw
- +297 280 0480

Wilt u als onderzoeker bij de AFTA aan de slag en voldoet u aan de gestelde eisen? Stuur dan uw motivatiebrief en bijbehorende curriculum vitae gericht aan dhr. E. Kross, MSc., info@afta.aw



Voor meer informatie over de functie kunt u onze website bezoeken:

<https://www.afta.aw/vacatures-2/>



Cleaning Geeks Services: Limpieza di Calidad pa Hogar y Negoshi na Aruba

Oranjestad, April 2 2025 – Cleaning Geeks Services (CGS) ta cla pa ofrece su serviccionan di limpieza profesional pa hogar y negoshinan di Aruba. Nan ta un compania innovativo cu tin un compromiso fuerte di excelencia y practicanan ecologico, CGS ta revolucionando e manera di brinda servicio di limpieza na satisfaccion di su clientenan na Aruba.

Nan personal ta consisti di un team di personanan altamente capacita cu ta ofrece solucionnan di limpieza pa cas, oficina, tienda, hotel, restaurant, cafe, laboratorio y hopi mas. Nan ta specialisa den servicio completo cual ta inclui: Consejo di limpieza, limpieza profundo, limpieza di cushina y baño, pressure wash y quick & easy green cleaning.

Ademas di esaki, nan ta brinda servicio specialisa manera limpieza despues di un evento, limpieza despues di construccion, kita, laba y pone tapijt.

Bo mester un experto den limpieza? Tuma contacto cu nan awe mes pa un consulta gratuito. Por yama na 588-2070 of 588-4370, y nan ta pasa evalua bo espacio y duna bo un oferta personalisa.

BO MESTER UN EXPERTO
DEN LIMPIESA?
YAMA NOS AWE MES NA
588-2070 OF 588-4370

Adres: Emmastraat 17
Orario: 8.00 - 16.30

 /CleaningGeeksServices



Advertencia DIARIO cu Hulanda ta pais soberano den Reino ta valido

Migracion a pone Gobierno Schoof na peligro!

**Ministro ta nenga condecoracion na colaboradornan asilo politico*

**Alarma mester cuminsa resona na parti Caribense di Reino Hulandes*

ORANJESTAD (AAN) —Na e momento cu e resultado historico di ultimo eleccion Hulandes a bira conoci, DIARIO cu lazonan directo den Reino, a cuminsa informa Pueblo di Aruba cu por spera cambionan importante den e forma cu pais Hulanda ta atende cu migracion.

DIARIO, conocedor di e reglanan cu ta base pa Reino Hulandes, na e momento aki ta bolbe adverti, cu mester sostene e maneho di menos dependencia posibel di Aruba di Hulanda, den cuadro di e fundesho di e areglo unico cu yama Statuut.

Cambionan grandi ta tumando lugar na nivel internacional y DIARIO basa riba su red internacional di coneccion na nivel halto, ta lanza advertencianan serio na publico di Aruba.

Uno di nan sigur ta e realidad, cu ciudadanonan di Reino Hulandes cu ta biba den region di Caribe, ta goza di un posibilidad cu no ta existi pa e ciudadano Hulandes, cu ta biba na Hulanda.

Pa un ciudadano Hulandes, cu no a nace na Aruba por establece su mes na Aruba, e mester di permiso mientras cu ciudadanonan Arubano por establece nan mes libremente na Hulanda.

Esaki ta haci cu Hulanda

a suavisa problemanan social di e paisnan Hulandes den region di Caribe ya cu e ciudadanonan Hulandes biba na paisnan Hulandes den Caribe, por drenta y biba sin necesidad di permiso na Hulanda.

Cu cambio grandi a presenta su mes den e forma cu Gobierno di Hulanda y tur gobierno y representantenan regional di e pais, ta pensa, ta bini dilanti den e forma cu Hulanda awor ta atende cu asilo politico.

Realmente na Hulanda, asilo politico a bandona su limitenan y entre otro e escasez di trahador den cierto ramonan na e pais, a habri caminda pa refugio wordo duna na miembronan di poblacion na diferente pais.

Un peso grandi a wordo crea pa e Hulandes mes, sigur despues cu areglonan di Union Europeo tambe a cuminsa conta na e pais, afecta pa situacion despues di Segundo Guerra Mundial y cambionan den Reino na Este, Oeste y na Europa.

Informantenan clave ayera a bolbe asegura DIARIO cu sucesonan cu awe mester topa cu un decision, ta indica claramente cu e Arubiano mester cuminsa bandona e pensamiento cu Hulanda lo mantene su porta sin mas habri pa habitanenan di otro pais den Reino, cu ta uza nan pasaporte



Hulandes pa establece sin permiso na Hulanda.

Awe na Den Haag un asunto sumamente serio cu lo mester afirma e posicion di e partido mayoritario Hulandes enfrente migracion, lo mester duna un contesta cla. Loke por manda Gobierno di Hulanda cas, lo ta basa riba e hecho cu Ministro Faber a dicidi cu e no ta firma pa condecoracion real pa cinco persona, cu a asisti den asistencia na personanan cu ta busca asilo politico na Hulanda.

Ministro Faber a muestra cu e condecoracion di e persona involvi lo ta contra su

decision pa corta migracion na Hulanda pasobra e motivo di condecoracion no ta di acuerdo cu su maneho. Gobierno Hulandes lo cay pa e desaroyo aki? Esaki tabata e pregunta grandi ayera. E dirigente Hulandes, Geert Wilders, ganador absoluto di eleccion na Hulanda, ayera a considera un locura total, cu partidonan opositor di Gobierno, kier entrega un mocion di desconfianza pa asina baha Ministro Faber.

Mientrastanto ayeratardi Schoof y Uitermark a duna di conoce cu nan ta dispuesto pa firma pa e con-

decoracion wordo otorga.

“Hulanda pa Hulandes cu mes derecho cu ciudadanonan na otro parti di mundo y e derecho pa defende e interes di e Hulandes Europeo, ta loke ta resalta awor den Reino,” informacionnan ta indica. A wordo muestra na DIARIO cu mundo politico na Den Haag, sigur tin atencion pa loke nan ta considera falta di balansa den Reino Hulandes, caminda sigur trafico entre e paisnan di Reino y domicilio den Reino Hulandes, mester ta na fabor di e ciudadano Hulandes naci na Hulanda tambe.

Un experiencia unico den Cas di Cultura

Awe y mañan tin Kross & Kross den Concierto



ORANJESTAD (AAN): Aruba ta prepara pa un anochi musical sin precedente cu e famoso mezzosoprano Tania Kross y e virtuoso guitarrista Chris Kross.

Mas cu un colaboracion musical, Tania y Chris ta primo, compartiendo no djis un laso familiar, pero tambe un conexon artistico extraordinario. E evento exclusivo aki, cu lo tuma luga den Cas di Cultura dianan **2 y 3 di april 2025**, ta priminti di fusion e grandesa di opera cu e esencia vibrante di Caribe, creando un experiencia unico pa tur presente.

Reconoci internacionalmente pa su poderoso bos y carisma incomparable, Tania Kross a cautiva publico rond mundo cu su versatilidad artistico. Su interpretacion operistico na Papiamentu, *Katibu di Shon*, tabata un exito cultural cu a conecta magistralmente historia cu musica. Mientras tanto, Chris Kross, guitarrista talentoso, productor y compositor, a demostra su arte den festivalnan internacional prestigioso, colaborando cu leyendanan di musica y lagando un impresion fuerte den cada presentacion.

E concierto special aki den Cas di Cultura no lo ta djis un celebracion di musica, pero tambe un oportunidad pa experimenta un presentacion envolvente yen di emocion y zonido cu ta bay mas leu cu frontera. Ademas, e evento lo conta cu sorpresa y momentonan exclusivo cu lo haci di e anochi aki algo berdaderamente inolvidabel.

E evento ta awe Diaranson 2 di April, y mañan Diahuebs 3 di April den Cas di Cultura, for di 7:30 pm te cu 9:30 pm.

Entrada ya ta na benta y demanda ta halto. No perde e oportunidad di ta parti di e anochi historico aki. Busca bo entrada awor y prepara pa un experiencia musical inigualabel!

No perde e experiencia unico aki na Aruba! Compaña nos den Cas di Cultura pa dos anochi inolvidabel di musica y emocion.

APRIL SPECIALS at Okeanos Spa!

Enjoy Deals on Mani/Pedis, Hair Treatments, & a Special Facial

Regular Mani/Pedi + Mimosa 100AWG

Gel Mani/Pedi + Mimosa 150AWG

Short Hair Roots + Blow 115AWG

Shoulder-length Hair Roots + Blow 135AWG

Long Hair Starting at 150AWG


Vitamin C Glow 140AWG

This April, we invite you to treat yourself to luxury without breaking the bank at Okeanos Spa. Book today by calling (297) 583-6000 ext. 6176 or direct at 5236176.



okeanos
SPA

WEB a percura pa rotonde na Balashi haya toque di Pasco Grandi



ORANJESTAD (AAN): Un biaha mas, e creatividad di WEB Aruba NV ta visibel riba Green Corridor, especificamente e rotonde di Balashi.

Esaki a wordo bunita decora pa temporada di Pasco di Resurreccion. E Pasco di Webo cu su coneu gigantesco, sigur ta trece felicidad y sonrisa riba cara di grandi y chikito, ora cu bo ta pasando eybanda. Palabra di pabien na WEB cu e bunita regalo aki na comunidad di Aruba.

SKIP THE LINE
BAN
ONLINE
Y GANA AFL. 250
TUR LUNA!*



*Pa mas informacion bishita www.setar.aw/disclaimer



Parlamentario Xiomara Maduro ta informa durante tratamiento di Presupuesto 2025:

Futuro ta ripiti e mesun mal ehempel di AVP di crea crisis di vivienda pa esnan den mas necesidad den comunidad

ORANJESTAD (AAN): E ta conoci cu partido AVP nunca a traha un cas social pa esnan den mas necesidad. Mike y AVP a percura pa traha un megadebe pa Aruba den gabinetenan Eman I y II, sinembargo ni un florin di e miyones ey a bay pa traha cas social pa esnan cu mester un dak pagabel riba nan cabes.

E mal desicion aki ta locual awe ta causa un crisis den vivienda social, na unda cu tin 3.700 peticion na FCCA pa yega na un cas. FCCA lamentablemente no por cumpli pa motibo di no por yega na fondo barata via gobierno pa por traha e casnan na un prijs razonabel.

AVP a crea un crisis pa cas social

Ta bon pa splica



cu no ta di awo FCCA tin necesidad pa yega na fondonan barata. Tabata na aña 2009 cu Gabinete Oduber di MEP a fia FCCA 10 miyon florin di e placa di Plant N.V. na interes reduci di 2% pa asina FCCA por a traha casnan social. Di e placa aki FCCA a tuma 2 miyon florin pa cuminsa traha, pero bou di gabinete Eman I y II no por a haya

mas fondo.

Te na aña 2016, Mike a dicidi pa regala FCCA tur e casnan social cu gobierno mes a yega di traha, como un sorto di pago na FCCA, ya cu FCCA por a bende nan cu esnan cu pa hopi aña tabata huur e casnan na un prijs barata. Sinembargo esaki no a produci e fondonan necesario pa cubri e necesidad financiero pa traha otro casnan na prijs pagabel. Banda di esaki FCCA pa mas di 40 aña no por a indexa e prijsnan di e casnan social, como cu gobierno no a subi e subsidio cu FCCA ta haya. Tur esaki a crea un crisis pa FCCA por brinda casnan social na comunidad.

Tur instancia ta adverti cu mester yuda FCCA

No ta solamente FCCA ta 'trek aan de bel' cerca gobierno pa e falta di casnan pagabel. Banco Central di Aruba na varios ocasion a pidi atencion pa e situacion di falta di casnan pagabel. E metanan di desaroyo sostenibel, SDG 11, tambe ta exige gobiernonan pa inverti den casnan pagabel. Sin lubida cu IMF den nan evaluacion financiero y economico di Aruba, Article IV Mission, tambe ta evalua kico Aruba ta haci pa cumpli cu e necesidad pa por tin suficiente casnan pagabel na Aruba.

MEP ta pone fondo y AVP apoya pa Futuro ta bolbe crea mas crisis

Gabinete Wever-Croes di MEP a percura pa despues di a stabilisa Aruba

su economia y finansa publico, pa pone 17 miyon florin di e surplus di aña 2025 disponibel pa un fianza barata na FCCA pa por cuminsa traha entre 150 pa 200 cas social. Banda den esaki a reserva 2,7 miyon florin pa FCCA no mester hisa e prijsnan di e casnan social. Lamentablemente den e prome 8 ora cu Gabinete Eman III a tuma mando, AVP apoya pa Futuro ta kita e 17 miyon florin y e 2,7 miyon florin, y ta laga FCCA sin placa atrobe pa traha casnan pagabel y cu un probabel subida di huur di casnan social. Di e manera aki, Futuro na su prome salida den gobernacion ta ripiti e mesun mal ehempel di AVP, di no traha ningun cas social y crea mas crisis di vivienda pa esnan di mas necesidad den comunidad.

Campaña di 'whitecard' di Nacionnan Uni

Uni cu tur deportista rond di mundo y lanta bo carchi blanco

ORANJESTAD (AAN): Esaki tin di haber cu un campaña di conscientisacion "Raise your #whitecard" di United Nations.

Ta asina cu Diadomingo awor, esta dia 6 di April ta e "International Day of Sport for Development and Peace" unda cu United Nations ta reconoce e poder cu deporte tin pa logra cambionan positivo y paz den nos comunidadnan.

E tema di 2025 ta "Leveling the Playing Field: Sport for Social Inclusion" unda ta boga pa igualdad y inclusion na nivel social a traves di deporte.

E campaña di e aña aki tambe, tin e tema di

"raise your #whitecard" pa asina conscientisa tur hende di e 460 miyon muchanan cu ta biba den areanan di gran conflicto rond di mundo. E conflictonan aki ta afecta e muchanan severamente, strobando nan educacion y bida social, unda cu sali pa hunga pafo y haci deporte ta un riesgo demasiado grandi.


Esnan cu kier sa mas di esaki, por check e video na e website aki:

www.bit.ly/carchiblanco

Forma parti di e campaña di conscientisacion y lanta bo carchi blanco, asina uniendo bo mes na tur otro deportista rond di mundo.



Eliecer cu su numbertan vast a gana riba 26 mil cu Zodiac



ORANJESTAD (AAN): E wega di Zodiac ta facil pa hunga. Djis escoge un number consistiendo di cuatro cifra, y agrega un signo zodiacal pa asina bo ta den wega.

Esey ta loke Eliecer a haci, sinembargo e tin su numbertan vast cu e ta hunga pa sorteo di Zodiac. Y esaki ta loke a yude gana recien.

Pesey el a acudi na oficina di Lotto pa reclama su premio. Despues di a revisa su ticket, e funcionario a scan e barcode den computer, cu inmediatamente a confirma cu Eliecer a gana 26.775 Florin cu sorteo di Zodiac Merdia.

Mesora a sigui cu e proceso pa transferi e premio electronicamente pa su cuenta di banco. E ticket ganador mes a wordo cumpra na Mama Trida Lottery.



Stichting Reclassering en Jeugdbescherming Aruba

Sabana Blanco 71
T 582-1496 / 582-2491
F 583-0084
E info@reclasseringaruba.com

Stichting Reclassering en Jeugdbescherming Aruba is onder andere belast met het rapporteren over, toezicht houden op en begeleiding van jeugdigen die een strafbaar feit plegen. In dit kader roepen wij **per direct** sollicitanten op voor de volgende functie:

❖ (Jeugd) Reclasseringswerker: m/v (40 u.p.w.)

De jeugdreclasseringswerker voert in opdracht van Justitie, de casusregie uit bij jeugdige wetovertreders binnen een gedwongen kader. Ingezet wordt op het voorkomen van recidive en het realiseren van gedragsverandering bij jeugdigen met delinquent gedrag.

Functie-inhoud:

- Onderzoeken van strafbaar gedrag en de omstandigheden waaronder iemand een strafbaar feit pleegde en het risico op recidive inschatten
- Diagnose vaststellen van strafbaar gedrag en advies uitbrengen
- Bezoeken aan politiewachten en het gevangeniswezen
- Huisbezoeken afleggen
- Netwerk contacten en onderhouden betrokken instanties
- Begeleiden en houden van toezicht op cliënten
- Reguliere casusbesprekingen/teamoverleg
- Bijwonen van terechtzittingen
- Bijwonen van T.O.M. zittingen
- Het voorbereiden en plaatsen van minderjarigen in een opvoedingsinstituut
- Het regelmatig bijwonen van vergaderingen met de Jeugdofficier van Justitie
- Informatie en advies/voorlichtingen/lezingen geven

Functie-eisen:

- Afgeronde relevante HBO-opleiding (MWD, SPH, Pedagogiek of verwante vakgebied)
- Ervaring binnen jeugdreclassering, jeugdzorg of verwante vakgebied is een pré
- Ervaring binnen en affiniteit met verslavingszorg is een pré
- Kennis van pedagogiek en ontwikkelingspsychologie
- Kennis van complexe gezinssystemen, voorkomende problematiek en signalen en risicofactoren
- Kennis van en inzicht in het hulpaanbod, hulpverleningsmethodieken
- Kennis van (de toepassing van) de wettelijke kaders en richtlijnen voor de (jeugd)strafrecht
- Hoge mate van integriteit, empathie en geduld
- Sterke communicatieve vaardigheden waaronder goede beheersing van de Nederlandse taal in woord en geschrift
- In staat om effectief samen te werken in een team en met externe partners
- Flexibel en creatief ingesteld

Wij bieden een pittige, boeiende en afwisselende baan. De aanstelling is **voor de duur van een jaar**, met uitzicht op een verlenging. Heb je nog vragen over de functie dan kun je bellen met Mevr. Pemberton-Leonard bereikbaar onder telefoonnummer **00297 – 5821496/ 5822491**.

Je sollicitatiebrief met CV kun je uiterlijk 15 april 2025 sturen naar info@reclasseringaruba.com

We kijken ernaar uit om jouw sollicitatie te ontvangen en meer te horen over hoe jij kunt bijdragen aan ons team.

BAHANDO VELOCIDAD, BO TA GANA

TEMPO PA REACCIONA:

1. Pa salba bida di un peaton crusando caminda
2. Pa evita dal un otro vehiculo of ciclista
3. Pa salba bo mes di consecucionan grave di un accidente

TRAFICO
SIGUR

Salba Bida,
Scoge pa Siguridad
www.traficosigur.aw

Sumamente exitoso tabata e recien Karaoke Festival di Aruba Lions Club



George Winterdaal encarga di e lidera e proyecto aki tambe a hiba palabra y a gradici tur persona y a prepara tur persona pa un show special. Como Intermission e algun di e propio miembran di Aruba Lions Club a duna un presentacion den un sublime medley cu a ricibi na final un gran aplauso di e publico. Tambe cantantenan Xennon Daal y Jetsenia Martinus a deleita tur hende cu nan themanan cu a arasa den Carnaval.

Na final e huradonan Nicole, Soledad y Jelise cu conteo di Shemine como Presidente di Hurado a duna e resultado final. Tur participante a ricibi nan medaya y un Goody Bag di Setar.



Best Dress a bay pa Jessy Gonsalves, Popular a keda pa Jasmin Tromp, Rookie a bay pa Suyenne Dania

Na di 5 lugar a keda Jhonny Gerritsma, di 4 lugar a keda Gilberto Boerleider, di 3r lugar a keda Julien Dijkhoff, di 2 lugar a bay pa Emilia Stein y Ganadora Absoluto a bay pa Olga Tromp.

Aruba Lions Club kier a

yama danki na tur patrocinador y colaborador. Tambe danki na tur Lions Member cu a yuda durante e evento y na caminda pa e evento.

Y sigur na tur esnan cu a bay apoya e cantantenan, sa cu boso aporta pa a cumpra e ticket aki ta bay back den nos comunidad. Keda pendiente pa e proximo evento di Aruba Lions Club.

ORANJESTAD (AAN): Diasabra 29 di Maart den China Club yen a tuma lugar e di dos festival di Karaoke di Aruba Lions Club. Un total di 26 participante a subi escenario pa asina deleita e publico masha entusiasma un tremendo show. Temnanan na Spaño, Ingles, Papiamentu den genero salsa, merengue, ranchera, balada y mas.

E MC di anochi tabata Ju-

lissa Boekhoudt, kende a sa di anima e anochi aki den gran forma. Show a start unda tur participante a canta Himno di Aruba den forma di Karaoke. Tambe presidente di Aruba Lions Club Sr. Danny Maduro tambe a hiba palabra pa gradici e participantenan pero tambe e publico presente. Show a cuminsa y un tras di otro cada cantante a subi y deleita e publico.

Miss Teen Universe Aruba

Guizza Maria Steenvoorde ta uza arte pa uni nacionnan




ORANJESTAD (AAN): Beyeza ta topa arte ora Guizza Maria Steenvoorde, e Miss Teen Universe Aruba actual, ta revela un po-

deroso mensahe artistico cu ta celebra union di nacionnan.

Cu dos obra di arte impresionante, crea hunto cu

su mama, Michella, inspira den un tayer dirigi pa e artista arubiano renombra Elisa Lejeuz, Guizza Maria ta enfatisa e conexion profundo entre Aruba y Nicaragua (dos nacion uni den cultura, beyeza y e espiritu di Miss Teen Universe).

E obra di arte simbolico aki lo worde presenta na e director di Miss Teen Universe, Alexander Montiel, di Nicaragua, como un regalo sincero, representando e mision di e concurso pa fomento amistad cul-



tural.

Guizza Maria, ta hopi mas cu un reina di belleza: E ta un modelo Internacional talentoso, bailarina, cantante, poeta y pintora cu ta expresa su arte for di tempo cu e ta mucha. Su pasion profundo pa creatividad a duna e, e oportunidad pa conecta cu hendenan di diferente cultura, convirtiendo asina den un berdadero embahador di union y expresion artistico.

“Arte ta papia un idioma Universal, un idioma cu ta dreña tur frontera, idioma y origen,” Guizza Maria ta expresa. “Cu e obra nan aki, mi kier accentua cu NO ta di importancia di unda nos ta bini, nos ta tur conecta. Aruba y Nicaragua por ta separa den distancia, pero nos curason ta bati como un so.”

E dos obra di arte nan, cu color vibrante y elemento abstracto, ta refleha e calidez y diversidad di e dos nacionnan. Crea bou di e guia di Elisa Lejeuz, un artista visionario conoci pa su estilo audaz y expresivo, e obra nan ta conta un historia di herencia, soño y union.

Michella Steenvoorde, mama di Guizza y su compañero creativo den e proyecto aki, ta expresa su orguyo: “Mirando Guizza plasma su vision den arte tabata verdaderamente inspirado. Esaki ta hopi mas cu un pintura; esaki ta un simbolo di union.”



E plataforma di Miss Teen Universe semper a enfoca no solamente riba belleza, pero tambe ta trata di trece dilanti proposito, influencia y cambio positivo. E iniciativa di Guizza ta reforza e idea cu arte, mescos cu concurso di belleza, tin e poder pa uni hendenan, inspira y crea dialogo significativo.

E obranan ta unico y sincero di Miss Teen Universe Aruba, y ta un testimonio di e poder di creatividad y con reinanan di belleza di awe ta usando nan plataforma pa logra un cambio real.

Mientras Guizza ta prepara pa representa Aruba riba e escenario internacional, e ta hiba cune no solamente e color di su bandera, sino tambe e alma di su pueblo—expresa den e strokenan di su pincel y e poder di su vision.

E concurso di Miss Teen Universe lo ta na Punta Cana, dia 13 di April. Hunto cu mas di 30 candidata participe di diferente pais rond di mundo, Aruba lo hiba su cultura, demostra su talentonan y musica con chikito nos Isla ta pero grandi den expresion. Aruba po vota pa “People’s Choice”. Djis bishita e link [issteenuiverse.l voting.com](https://www.issteenuiverse.l voting.com) y bo por vota.

E ganadora ta garantiza di e posicion automatico den Top 6. “Laga Arte inspira bo, yuda bo y guia bo Semper”.

LUNA DI LOCURA!

CUMpra 2 LOTTO 5 Y HAY 1 LOTTO 5 LOCO GRATIS

CON PA HUNGA?
CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE **GRATIS!** MAS BO CUMpra, MAS TICKET LOCO **GRATIS** BO LO RICIBI!

PROMOCION TA VALIDO DESDE 1 TE CU 30 DI APRIL





RESULTADO DI SORTEONAN PA CORTESIA DI CADENA ALEXANDER

Diamars 1 April 2025

DIARIO	KORSOU	SUPER 4	CATOCHI	ZODIAC
9609 0764 6608	7013 7770 6495	5151 XXXXX	MERDIA 8470 1016 5939	ANOCHI M 5496 2463 1555
LOTTO DI DIA	06-09-16-19-22	OFF 5780-8808	BIG 4 M	1 168 A
6527 ACUARIO	2543 ARIES	1944		

MULTI-X	MERDIA X2	MULTI-X	MERDIA X2
CATOCHI	ANOCHI X2	BIG 4	ANOCHI FP

LUCKY 3	MERDIA	763	MULTIPLIER X2	ANOCHI	842	MULTIPLIER X2	LUCKY 3
---------	--------	-----	---------------	--------	-----	---------------	---------

Mini Mega

Diamars 1 April 2025

05 13 14 19
Mega Ball 15

- 1^{er} Premio: No tin ganador Jackpot
2^{do} Premio: No tin ganador Match 4
3^{er} Premio: Tin 3 ganador Afl. 500,00
4^{to} Premio: Tin 71 ganador di Afl. 50,00
5^{er} Premio: Tin 74 ganador di Afl. 15,00

Jackpot pa e proximo Sorteo di Mini Mega 4 April 2025
Afl. 340.000,- MEGA PLUS Afl. 500.000,-

Auto compacto a bay dal den palo di luz na Santa Helena



ORANJESTAD (AAN): Polis a bay cu urgencia den Santa Helenastraat, y aki a bin topa cu un auto compacto Kia Picanto color shinishi cu number A-63895, y e chauffeur femenino a perde control tras di stuur, baha di caminda banda panort, y dal contra un

palo di luz. Debi na esaki, henter e parti dilanti di e auto a keda kibra. Ambulance a yega, y e chauffeur tabata keha di dolor na curpa, pero no tabata gravemente herida.

Polis y Forensys a tumar over e investigacion aki



REGISTRO DI TEMPERATURA Y CUANTO AWACERO A YOBE ROND DI ARUBA

For di DIALUNA 8'or mainta te DIAMARS 8'or mainta:

- Temperatura registra na Aeropuerto, Aruba:
 - Maximo: 31° C. Yobida: 0.0 mm.
 - Minimo: 26° C.
- Temperatura registra na Westpunt, Aruba:
 - Maximo: 31° C. Yobida: 0.0 mm.
 - Minimo: 26° C.
- Temperatura registra na Santa Rosa, Aruba:
 - Maximo: 32° C. Yobida: 0.0 mm.
 - Minimo: 26° C.

INFORMACION PA PUBLICACION

REMITIDO

E exigencianan di DIARIO pa publicacion di cualkier remitido ta cu esaki mester bin den forma electronico (sea via FB Messenger, E-mail, USB Drive, CD-ROM, DVD-ROM), incluyendo number, adres, telefon, y firma di e remitente. Mester presenta cu un cedula of ID valido pa verifica e number y adres. DIARIO lo saca fotocopia di bo cedula of rijbewijs. Bo mester enfatisa di antemano, si acaso bo no kier pa bo number worde menciona como remitente!

(Atencion: Ora cu bo no kier pone bo number bao di un remitido, anto automaticamente den e texto bo NO POR menciona number di hende of entidad). Remitidonan manda via E-Mail mester tin number completo di e remitente, tambe su adres, telefon y firma pa asina e mester verifica prome cu publicacion. Textonan por ser edita segun espacio, y gramatica tambe lo ser drecha. No tin garantia cu e Remitido lo sali mesora den e proximo edicion! Tuma bon nota cu e Remitidonan lo ser publica segun espacio disponible den e edicion.

CUMPLEAÑOS

Pa publicacion di felicitacion pa cumpleaños di 1 aña bay ariba, NO ta acepta foto traha via di fotocopia, tampoco caricatura, ni pa animal. Manda foto na 'noticia@diario.aw'

Contents ©2025 Matutino DIARIO


COPYRIGHT: Nada den DIARIO mag di worde copia sin permiso di Agencia Arubano di Noticia.

ALMANAC



**Bahada
y salida
di solo
na Aruba**

— 2 April 2025
Solo ta baha: 6:52 p.m.
— 3 April 2025
Solo ta sali: 6:35 a.m.



**Lista di Crusero
di bishita
na Aruba**

—Diaranson 2 Apr 2025:
Rotterdam:
(08:00 - 17:00)
—Diahuebs 3 Apr 2025:
AIDAbella:
(08:00 - 18:00)
Norwegian Jewel:
(10:30 - 20:30)
—Diabierna 4 Apr 2025:
Norwegian Pearl:
(10:00 - 22:00)

EMERGENCIA NA ARUBA

Diaranson 2 April 2025

DOCTER NA WARD

SAN NICOLAS:

Pa San Nicolas, Docter lo ta na H.A.P. ImSan. Docter tey for di 6'or di anochi te 10'or di anochi.

ORANJESTAD:

Pa Oranjestad, Docter lo ta na Huisartsenpost na Hospital. Docter tey di 6:30 pm te cu 10:30 pm.

BOTICA NA WARD

PARIBA DI BRUG:

Botica 4 Centro Medico
Bernhardstraat 55
Telefon 584-5794
Telefon: 584-5798

PABAO DI BRUG:

Botica Eagle
Caya Punta Brabo 17
Telefon 587-9011

e-CONTACT DIARIO

E-mail Redaccion:
noticia@diario.aw
E-mail Avisos:
aviso@diario.aw

E-mail Deporte:
deporte@diario.aw
E-mail Asunto Funeral:
morto@diario.aw

DIARIO

Loke Tempo ta Mostra....



•• E area di presion halto lo sigui extende den Caribe, y esey nifica cu tempo relativamente stabil ta sigui den region. Toch algun nubia por pasa de vez en cuando riba e isla den fluho di biento un poco mas fuerte.

•• Biento lo ta suplando modera di pariba entre 12 y 39 km/h, cu rafaga te 50 km/h. Lama ta bruto cu ola entre 3 y 6 pia.

PRIJS: 2 Florin ehemplar
ABONO: 40 Florin pa luna

EDITOR

Agencia Arubano
di Noticia

FUNDADOR

† Jossy M. Mansur

DIRECTORAN

Eduardo Mansur
Luis M. Mansur
Damilice Mansur

REDACTOR Coordinativo

Aureen Werleman

REDACTOR Ehecutivo

Nilton Laclé
Yorleny Oduber-Quesada
Tania Cunha

REDACTOR

Mercedes Abdul-Hamid
Giovanni Lane

REPORTERO

Hubert Tiel

AVISOS Y ARTE

Franklin Peña (Hefe)
Susy Maduro (Project Manager)
Miguel Garcia
Glenn Gonzaga
Robert Simoons

ADMINISTRACION

Freddy Barreto (hefe di personal)

RECEPCIONISTA

Vivian Maduro

LAYOUT

Alex Croes
Ricardo Jimenez

IMPRESION

William Quiceno
Raul Valencia

ADRES

DIARIO N.V.
www.diario.aw

Miembro di:
Sociedad Interamericana
de Prensa

Email: noticia@diario.aw
Engelandstraat 29, Aruba.
P.O. Box 577, P.O. Box 695

Telefon: +(297) 582-6747
Whatsapp: +(297) 561-5325

Guizza Maria Steenvoorde a bishita Consulado Dominicano na Aruba

ORANJESTAD (AAN): E simpatica Guizza Maria Steenvoorde, pasiona pa unidad y cultura, a bishita e Consulado Dominicano na Aruba na un momento importante den su bida, den caminda pa e gran experiencia di Miss Teen Universe cu tuma lugar na Punta Cana, 13 di April. Durante su bishita, Guizza Steenvoorde a

worde ricibi cu hopi candor y amabilidad pa Consul, Sr. Luis Eludis Perez. “Di momento cu mi a drenta e Consulado, mi a sinti un ambiente di famia, manera si mi tabata den e mesun tera di Republica Dominicana. Awo mi ta bay cu mi curason yena di gratitud pa e experiencia y cu hopi speranza pa e futuro di lasonan entre nos comunidad,” el a bisa.

Guizza Maria a expresa su aprecio pa e manera nan ta traha pa fortalece e relacionnan entre Aruba y Republica Dominicana. Durante su bishita na e Consulado, e tabata tin e chens pa scucha di e proyectonan cu ta uni e dos isla, como tambe di e riqueza cultural y gastronomico cu ta forma parti di e herencia Dominicana.

“Esaki ta un trabao cu ta merese reconesementu, pa e manera amoroso ku nan ta dedica nan mes pa cu e comunidad,” Guizza Maria a agrega.

Cu e energia positivo y masha hopi entusiasmo, Guizza Maria ta prepara pa representa Aruba na Miss Teen Universe, un concurso Internacional cu ta brinda e oportunidad pa inspira y empodera hobennan.

Dia 6 di April lo inicia e viahe pa Punta Cana den compania di su Team y ta gradici tur esunnan cu a tuma tempo pa yude den su trayecto y a graba su video di despedida.

E concurso ta tuma lugar riba 13 di April y ta conta cu 30 participante

di diferente paisnan. Guizza Maria ta expresa su emocion pa por forma parti di un evento ku ta reuni mucha hoben di diferente cultura, acentua e oportunidad pa conoce mas tocante e tradicionnan y balornan di otro nacionnan, y crece no solamente como modelo, sino tambe como persona. E intercambio

cultural ta enrikece experiencia y lo percura pa cada participante hiba cune un muchilla di conocimiento y amistad cu lo perdura pa un eternidad. Aruba por vota, djis bay na e link teenuniverse.1voting.com y asina nos por keda clasifica automaticamente den e TOP 6.



Fortaleza di Famia

Diaranson 2 April 2025

Falta di pordon entre mayor, ta un piedra di tropica pa nan yiu

Skirbi pa: Pastor Marcel Balootje

Falta di pordon ta un muestra hopi cla, cu ta demostra cu hende no ta kere den e mensahe di Hesus Cristo locual E a bisa den Mateo 6:14-15 ni tampoco Mateo 18:32-35.

Pasobra ora un hende ta kere e ta obedece, y ora e obedece e ta wordo libera, pasobra hende cu ta tende so y no ta haci ta keda pega den tempo.

Tin ehempelnan cu ta haci hende hopi tristo con mayor ta traumatiza nan propio yiu door di ripiti mesun cos dia aden, dia afo:

Cu palabra manera bo tata nunca a cria bo, bo tata a bandona nos y bay cu otro muher, bo tata no a reconoce bo como yiu, no papia cune, lage keda ayabanda cerca su otro yiu.

Esey ta e rabia tradicional cu nos ta tende tur momento, cu simplemente ta trece dolor na curason di un yiu siendo cu e mama sa masha bon kico ta e origen di e divorcio, of e abandono di hogar, of e motibo di con e tata no a reconoce e yiu.

Mescos tambe tin tata, cu ta pasa dia aden dia afo papia malo di nan ex-esposa, dunando e muher tur sorto di nomber, y mal presentacion dilanti di nan yiu, y asina purba di laga e yiu-nan odia nan propio mama.

Tur esey nos ta yama maldad cu ta contribui na rebeldia, den e bida di e mucha, y e ta busca refugio den amigonan hopi biaha mas grandi cune cu ta hibe den mal caminda.

Tin hopi mama soltero cu ta bisa cu nan mes ta lanta nan yiu, pero hopi di nan ta falta conocimiento y despues nan ta drenta cu hende sin consenshi, cu ta drenta nan bida pa solamente relacion sexual y paranda, y no tin ningun clase di amor pa e yiu cu e tin, pero ta resulta di ta un abusador.

Algo cu hopi hende homber tin cu tene cuenta cune ora nan ta drenta bida di un mama soltero, si e mucha ey no tin respet pa su tata biologico, y su mama a criye manera mucha cu no tin tata, e mucha ey no ta facil pa e somete na autoridad di un padraastro, e asunto aki ta rekeri sabiduria di Dios, pa asina lanta un mucha asina den bon caminda.

Un mucha tin mag di bisa cu e sali a su mama, ora su mama ta duna bon ehempel, y respet, bon testimonio, pasobra si no ta asina anto e mucha no tin nada di imita, esaki ta conta pa tanto mucha muher cu nan mama y mucha homber cu nan tata.

Falta di pordon tin su consecuencia grave:

Falta di pordon ta mantene bo preso den bo pasado, bo ta keda pega den tempo.

Falta di pordon ta produci amargura. (Hebreonan 12:14-15).

Falta di pordon ta porta habri pa satanas. (Efesonan 4:26-27).

Falta di pordon ta stroba bo relacion cu Dios, pasobra falta di pordon ta pica, y pica ta un obstaculo den nos relacion cu Dios.

Hopi biaha mayor ta duna preferencia na cierto yiu y ta causa dolor den Famia. No lubida con Abraham a corre cu su propio yiu Ismael for di cas pa complace cu Sarah y su yiu Isaac.

Nos tur sa cu ta Sarah a bisa Abraham pa drumi cu Hagar, y Abraham a obedece Sarah enbes di warda riba promesa di Dios. (Genesis 15:4-5-6).

No lubida con Rebeca a consenti cu Jacob pa horta bendicion di Esau su ruman (Genesis 27:11-17).

Reflexion

Hesus Biña Nobo: Bo futuro

Bo Futuro.

MVMNT Youth

Confiando Dios cu bo futuro ta un di e decisionnan mas importante cu bo por tuma como hoben, e ta normal pa sinti insegur of dudoso over di bo decisionnan: kico pa studia, cual trabou bo kier, con pa trata cu retonan, of cual pakket pa scoge na scol. Pero tin bon noticia:

Bo no mester sa con pa haci tur esey bo so, pasobra Esun cu a crea bo tambe tin bo futuro den Su man.

Den Su palabra, Dios a priminti cu su plannan pabo ta bon: “Ami so conocé e plannan cu Mi tin pa boso; Mi ta segura boso cu Mi kier boso felicidad, no boso desgracia. Mi ta primintí boso un futuro yen di speranza.”

Ni con insegur circunstancianan por sinti, bo por relaha sabiendo cu Dios tin un plan y un proposito pa bo bida, un cu ta yena cu speranza. Ora nos ta purba di haci tur cos riba nos mes, nos por cansa y sinti descurasha. Pesey e ta importante pa confia den Dios, pasobra E ta e unico persona cu sa precies unda bo mester yega, dus lag'E guia bo pa bo yega eyan.

Duna Dios tur bo preocupacionnan di bo futuro. Tuma e esfuerzo pa conoc'E mas, p'asina E por muestra bo pakico e la crea bo. E ta fiel, e lo cuida bo y nunca lo laga bo bo so

.-MVMNT Youth MinistryW

Juffrouw Vanesa Croes ta informa:

Fiesta bailabel pa recauda fondo pa compra un bus escolar pa Scol Amplio Mi Cosecha

*Un anochi magico na Renaissance Convention Center dia 3 di Mei



Vanessa Croes, di Scol Amplio Mi Cosecha, den entrevista cu DIARIO a anuncia un actividad cu e meta di recauda fondo pa e scol aki, por yega na su bus escolar.

“E bus aki ta netamente pa por transporta e muchanan pa bay practica loke nan ta siña na scol, den e bida real” Juffrouw Vanessa a menciona.

El a agrega cu, por ehemplo, ora nan ta bay supermercado nan ta bay haci tareanan, nan ta bay haci e parti practico di loke nan ta siña na scol.

“Y tambe nos ta crea cu e lugar di enseñanza hopi biaha ta varia. Cu no ta keda solamente den un clas, manera nos ta yam’e den cuater mura, sino cu enseñanza ta tuma lugar den otro

localidad. Y esaki bo ta wak cu ta motiva nos studentenan, e ta haci nan hopi independiente, y nan ta explora, descubri nan talentonan loke tin un impacto positivo riba tur mucha; pasobra tur mucha por beneficia di siña tambe di e experiencia”, Juffrouw Vanessa a enfatiza.

E actividad pa recauda fondo lo ta dia 3 di Mei. Esaki ta bay ta un anochi magico, cu un explosion musical door di diferente banda, den Renaissance Convention Center, cuminzando pa 8’or di anochi. E lo tin yen di sorpresa cu bo mester ta presente pa experiencia esaki, Juffrouw Vanessa Croes a bisa. “Tur e fondonan cu nos lo recauda na entrada, ta destina

specificamente pa e bus. Pa ticket por inbox riba nos facebook page, scol amplio nos cosecha y nos ta manda bo e link, haci e pago y disfruta di un anochi fenomenal. Balia cu bo curazon y alavez aporta pa un bon causa”, Vanessa Croes a relata. Scol Amplio Bo Cosecha ta conta cu e contribucion di comunidad y di tur comerciante cu por duna un aporte, pasobra esnan cu ta bay beneficia ta e muchanan. “Nos no tin cu warda ora circunstancia of condicionnan den enseñanza pa nos duna e man. Laga nos ta preventivo pa nos por traha na un forma innovativo, na loke ta desaroyo di cada mucha”, Juffrouw Vanessa Croes a remarca.

Columna E Sembrado



Diaranson 2 april. Di cuater siman den Cuaresma aña 2025. Ciclo C

Calendario Liturgico

Lectura: Isaías 49, 8-15;

Salmo: 145;

Evangelio: Huan 5, 17-30;

”SEÑOR ta compasivo y tierno, yen di pasenshi y bondad amoroso”.
Salmo 145, 8

Rumannan, ki dushi ta pa realisa cu Señor ta un Tata compasivo y tierno. Señor tin un plan pa nos cada un ta p’esey nos mester scucha su bos. E ta un Tata cu tin pasenshi cu nos, E ta duna nos e boluntad pa scoge. Nos mester scoge pa haci e bon. Y e momento cu nos faya pidi’E pordon y pidi Spirito Santo pa compañía nos. Awo cu ta tempo di Cuaresma, ban ta compasivo y tierno cu hopi pasenshi pa nos rumannan. Y unda cu por haci obra di caridad.

Oracion: Señor Hesus danki pa semper t’ey pa nos. Danki pa ta un Tata bondadoso. Yuda nos ta mas manera Bo. Nos tambe por ta compasivo y tierno cu nos rumannan, maske cu nan por a faya cu nos. Esey ta bo grandesa. Manda bo Spirito Santo pa E por yuda nos yega na e caminda di Santidad den number di Hesus.

Amen.

Grupo Centro Pastoral

> SUDOKU <

Conceptis Sudoku

By Dave Green

	3			2	9		4	
7				3	5			6
		1				2		
1	4		9		7			
6	8						1	7
			8		4		9	2
		8				5		
9			5	8				4
	1		2	7			3	

©2022 Conceptis Puzzles, Dist. by King Features Syndicate, Inc.

HARI UN TIKI

Juanchito a yega scol y e juffrouw a bise “Pabien, Juanchito, hopi pabien”.
Juanchito a puntra “Jufrouw pakico juffrouw ta felicita mi, si mi no a haci aña awe?”
E juffrouw a bise “No pasobra abo ta e prome pa yega scol”.
“Ow, e cos ta cu mi omo ta futbolista profesional”.
E juffrouw asombra a puntra Juanchito “Ki esey tin di haber cu bo ta yega tempran scol?”
“Pasobra skop e ta skop mi pa mi yega scol”.

BUSCA PALABRA

ROLEMODEL

J N P O G G M U O P A U B U N A J M G O
O P A N W U Z V G B S F H Y A P K X D S
N V E N N N I X I X O G J M N A E K X O
O B I B N T D L U F Q H L N A R X U N T
W V I T I O I I I N J G B Y E E S P J I
S P I S I D I Z R O T U L T R N R Z I X
I A O T A S H C O M P O R T A C I O N E
R P N D A Y N U A V D W I Y X I S U V M
D M N A U G L E Y U C C D S B A O B E K
D A E C M R E Q S J T S D V Z C I F S D
N O I D Q E T N Q K E C V T V R B V T C
E M O C I O N A L F W R A E K Y N X I T
F N W G I A E T N E M L A I C E P S G W
X H J C T T H C E V T P F Z U L X T A X
A G C H C E N L O F W F X W U K F F C X
H J Z L E C A N A N R O Y A M T S T I R
W V K M D N N I K X T Q J J Y N G E O G
K Y Q Y A F R P D Z S I K U Q C S R N C
E C O N O C E R G L B A N R D C A E M V
L K S R F I B C R K U F C U O A W E Y X
M J T A K E M P F T Z R N G A M Z T O O
L C Q M B G U O O Q P W E O Y M Q P E D
F K N L A S T E M V D N I L V Q E C U A
Q Q R E R Z S P Y A C E G J F A P N D F
T W R K G T U R D I J B B K K K C H T T
D U K E I H C I A A S F D H W K W Y O E
G L S M B L S N T D Z I B H N V A U L S
Y Y A K F E A X V D Z B G M B X S K N R
X M B W B N Y V S C G Z M C P S Y O C E
E P N O Q U L X I Z T L L N F Z E W D S

ABILIDADNAN
ACTUACIONNAN
APARENCIA
AREANAN
AUTOESTIMA
COMPORTACION
CONTINUAMENTE
CUSTUMBERNAN
EMOCIONAL
ESCOGENCIANAN
EXITOSO
INVESTIGACION
MAYORNAN
NEGATIVO
OBESIDAD
POSITIVO
RECONOCE
SANAMENTE
SENSITIVO
SPECIALMENTE

Answer to previous puzzle

8	3	1	4	9	6	7	2	5
5	4	6	7	2	8	3	9	1
7	2	9	5	3	1	6	8	4
6	8	2	9	4	7	1	5	3
1	7	3	6	8	5	9	4	2
4	9	5	3	1	2	8	6	7
3	1	8	2	6	4	5	7	9
2	6	7	1	5	9	4	3	8
9	5	4	8	7	3	2	1	6

Difficulty Level ★★★★★

5/01

©2022 Conceptis Puzzles, Dist. by King Features Syndicate, Inc.

DEPORTE INTERNACIONAL

Dodgers cu mihor comienzo di temporada desde 1981



LOS ANGELES: Dialuna anochi Tyler Glasnow a tira 5 inning sin permiti un careda den su debut di temporada, pa yuda Los Angeles Dodgers gana Atlanta Braves 6-1. Dodgers a cumenza temporada di 2025 cu un record di 6-0, cu ta e mihor comienzo di e ekipo desde temporada di 1981.

Teoscar Hernandez a contribui cu un homerun di 2 careda pa Los Angeles, mientras cu Kike Hernandez a

bati un homerun solitario.

Atlanta di otro banda a cumenza e temporada 0-5.

Glasnow den e wega a permiti apenas 2 hit, esta uno di Jarred Kelenic y otro di Michael Harris II.

El a poncha un total di 8 bateador, mientras cu el a permiti 3 base por bola.

Shohei Ohtani despues di ricibi un base por bola na dado momento a logra anota un careda y esey ta

Yankees a firma relevista veterano Ottavino



NEW YORK: New York Yankees a firma un pitcher pa yuda nan bullpen.

Diamars a wordo reporta cu New York a firma pitcher veterano di relevo Adam Ottavino na un contrato di Major League.

No a anuncia ainda cuanto Ottavino lo gana, pero esaki ta bay ta di dos biaha cu Yankees a firma e pitcher.

Anteriormente Ottavino a picha pa New York na 2019 y 2020.

E habitante di New York City a picha e tres ultimo temporadan an pa New York Mets, unda cu e tabata un pitcher di relevo efectivo den diferente situacion.

Sinembargo, su ERA di 2024 tabata un tiki halto na 4.34 den 56 inning.

Red Sox a firma un prolongacion di contrato cu Crochet di 6 año na balor di 170 milyon dollar

BOSTON: Boston Red Sox a percura di firma un prolongacion di contrato cu pitcher surdo Garrett Crochet, e ekipo a anuncia Diamars.

E acuerdo di Crochet, cu ta cumenza na 2026, ta na balor di 170 milyon dollar.

E contrato ta inclui un asina yama opt-out despues di temporada di 2030, segun Jeff Passan.

Crochet ta bay ricibi un bonus pa firma di 4 milyon dollar y ta bay gana 24 milyon dollar na 2026, mientras cu su salario anual di 2027 pa 2030 ta bay ta 28 milyon



dollar.

Siman pasa den su debut pa Red Sox contra Texas Rangers siman pasa Crochet a permiti 2 careda y el a poncha 4 bateador.

Temporada pasa den 146 inning cu Chicago White Sox el a caba cu un ERA di 3.58 y 12.88 ponche pa cada 9 inning tira.

Profar suspendi 80 wega pa uso di Substancia prohibi



ATLANTA: Major League Baseball a dicidi di suspende hungador di outfield di Atlanta Braves Jurickson Profar pa 80 wega Dialuna, pa violacion di e maneho di MLB riba substancianan prohibi. Profar a test positivo pa HCG, cu ta un substancia cu ta aumenta produccion di testosterone den e curpa di un ser humano.

E hungador di 32 año prome cu comienzo di temporada a firma

un contrato di 3 año cu Braves na balor di 42 milyon dollar.

Profar den comunicado a expresa cu e nunca intencionalmente lo hasi

uso di un

substancia prohibi, pero asina mes el a pidi disculpa na tur hende.

El a indica tambe cu e ta pura pa por ta bek riba veld.

E problema ta sinembargo cu cambionan den e maneho contra substancianan prohibi ta pone cu si un hungador wordo suspendi pa esaki, e mesun temporada e no ta permiti di participa na e playoffs.

DEPORTE INTERNACIONAL

Stewart di Pistons ta un di e 5 hungadornan suspendi despues di pelea cu T-Wolves



MERCA: NBA a suspende 5 hungador pa nan rolnan den un pelea riba cancha Diadomingo, entre hungadornan di Detroit Pistons y Minnesota Timberwolves.

Esaki e liga a anuncia Diamars. Hombes grandi di Pistons Isaiah Stewart a ricibi un suspension di 2 wega, mientras cu compañeronan di ekipo Ron Holland y Marcus

Sasser a haya 1 wega di suspension.

Naz Reid y Donte DiVincenzo di Timberwolves cada un a ricibi un suspension di 1 wega.

NBA a duna Stewart 2 wega, pasobra no tabata prome biaha cu el a comporta su mes na un manera onsportief.

Bayern Munich cu bista riba talento di 17 aña cu ta hunga na Belgica



ALEMANIA: Bayern Munich a cumenza pensa riba futuro.

Segun periodista di Sky Sports Florian Plettenberg, e campeon record di Bundesliga di Alemania ta interesa den Konstantinos Kareltsas, kende tin 17 aña.

E talentoso hoben a nace na Belgica y ta hungando dene campeonato di e pais pa KRC Genk, pero

como cu e tin raiznan Griego e ta hungando den e seleccion nacional di Grecia.

Desde e temporada aki Kareltsas ta un hungador fiho pa e lider di e campeonato Belga.

Como hungador di medio campo, den 31 wega el a anota 3 biaha y tabata tin 2 asistencia.

Pelicans a para Zion y McCollum di hunga pa resto di temporada



NEW ORLEANS: New Orleans Pelicans a anuncia Dialuna cu Zion Williamson y CJ McCollum ta bay perde resto di temporada debi na lesinnan respectivo di lomba y pia.

Williamson a perde e ultimo 5 weganen di Pelicans debi na un golpi cu el a ricibi na e parti abao di su weso di lomba.

E escogencia number 1 di e draft di 2019 e temporada aki a hunga apenas 30 wega y tabata tin un average di 24.6 punto, 7.2 rebounds, 5.3 asistencia y 1.2 steals

pa wega.

Den 4 di su 6 temporadanan den NBA Williamson a hunga menos cu 30 wega.

Debi na un fractura di pia el a perde temporada di 2021-2022 por completo.

McCollum a perde e tres ultimo weganen di New Orleans, debi na un problema na un weso den su pia.

E temporada aki e tin un average di 21.1 punto, 4.1 asistencia y 3.8 rebounds pa wega, den e 56 weganen cu el a hunga.

Bayern München no ta bay prolonga contrato di Muller mas



ALEMANIA: Despues di 25 aña tur cos ta indica cu ta bay yega un final di e matrimonio entre Bayern Munich y icono di e club Thomas Müller.

E hungador di 35 aña di e campeon record di Alemania segun prensa Aleman no ta bay ricibi un contrato nobo y esey lo nifica cu na final di e temporada aki e lo mester bandona e club.

Muller mes tabata tin e deseo di

sigui hunga pa Bayern.

Prensa Aleman cu ta inclui 'Bild' y 'Kicker' a indica cu nan ta sigur cu e contrato di Muller lo no wordo prolonga.

For di tempo cu e tabata tin 10 aña el a uni su mes na e club.

Te cu awor Muller a hunga e increibel cantidad di 742 wega pa Bayern, den cual el a anota 247 gol.

Solamente Gerd Müller (565 gol) y Robert Lewandowski (344 gol) a anota mas biaha pa e ekipo di Munich.

Muller a duna tambe 273 asistencia, mientras cu el a bira campeon di Bundesliga cu Bayern 12 biaha y campeon di Champions League 2 biaha.

Noticianan for di Hulanda

Muchanan di Dalfsen cu tabata perdi a wordo haya na Belgica

Mayornan biologic a wordo deteni



HULANDA: E dos muchanan di Dalfsen cu desde Dialuna mainta tabata perdi, a wordo haya na Belgica den bon estado di salud.

Esaki polis a duna di conoce Diamars.

Ambos mayor biologic di e muchanan a wordo deteni.

E buskeda pa e muchanan a cuminsa Dialuna ora cu a saca un asina yama Amber Alert, mirando cu a sospecha cu nan a wordo secuestra.

Aparentemente e muchanan ta wordo cria y cuida pa otro personanan, pero polis pa motibo di privacidad no a duna detayenan di esaki.

E mayornan biologicos pues no tabata encarga cu cuidu di e muchanan y pesey ta trata e caso aki como un secuestro.

Despues e mayornan lo presenta dilanti di un Huez Comisario, pa wak si nan detencion preventivo lo wordo prolonga.

Na Rotterdam tambe lo bin rondnan extra di vacunacion



ROTTERDAM: Muchanan di Rotterdam y e region cu ainda no a wordo vacuna contra sarampi, dentro di poco muy probablemente ainda por ricibi hangua contra e enfermedad.

E asina yama Centrum voor Jeugd en Gezin (CJG) ta evaluando e posibilidad pa organiza rondnan extra di vacuna pa henter e region.

Esaki GGD Rotterdam-Rijnmond

a duna di conoce.

E data ainda no ta conoci.

Locual a conduci na e plannan nobo pa vacunacion, pa un cantidad grandi di caso di sarampi.

Desde comienzo di e aña aki te cu Diamars a registra 158 caso di contagio.

Mas cu 40 di e casonan aki tin di haber cu un scol basico na Rotterdam.

Coenradie (PVV) por continua cu plan pa laga cierto preso sali dos siman trempan for di prison



DEN HAAG: Secretario di Estado Coenradie di Husticia di partido PVV por sigui cu e plan cu e tin, pa permiti cierto preso sali for di prison 2 siman mas trempan.

Ta trata di presonan cu no ta cera pa crimennan serio di violencia por ehempel.

Parlamentarionan di PVV mes, di VVD y BBB for di algun tempo

caba a expresa cu nan ta contra e plan aki y pesey a entrega un mocion den Parlamento pa para esaki.

Sinembargo, pa di dos siman consecutivo nan no a haya un mayoria di Tweede Kamer pa para e plan, pues e ta bay wordo implementa.

“Mi ta sinti un alivio”, segun Coenradie.

Mayoria den Tweede Kamer ta na favor di prohibicion completo di vuurwerk na cambio di aña



BRIELLE: Polis a comparti potretnan di un homber cu a logra bay cu carchinan di banco di un muher anciano di edad hopi halto na Brielle.

El a gaña e muher, pa por a lanta 3000 euro for di su cuenta.

E homber a pin nada menos cu 16 baha cu e carchi di e muher, na diferente lugar incluyendo na

diferente casino.

E estafador a wordo filma na diferente localidad den Zuid-Holland.

E victima ta un muher di mas cu 90 aña di edad.

No ta cla pakico ta te awor polis a comparti e informacion, mirando cu e caso aki ta di luna di Mei di 2024.

Exitoso Feria di Carera organiza pa Mon Plaisir College Havo Vwo



ORANJESTAD (AAN): Recientemente Mon Plaisir College Havo Vwo a organiza un Feria di Carera yen inspiracion na nan scol.

E momento ey, diferente profesional di diferente tereno di trabao a presenta pa asina duna splicacion di nan experiencia di estudio y di e forma ey suministra e studentenan un bista extra mas profundo di tur oportunidad cu tin disponibel den mercado laboral.

E tabata un momento hopi unico pa descubri oportunidadnan unico di carera nobo cu nan lo por dirigi nan mes den dje den futuro. Palabra di pabien na directiva di e scol cu e exitoso actividad aki.



SUPER CARD SUPER DEALS



COMFORT
CLASS

IMAX

VIP

Monday
Thursday

8.00^{AWG}

10.00^{AWG}

11.00^{AWG}

Friday
Sunday

9.00^{AWG}

11.00^{AWG}

12.00^{AWG}

**BEST CINEMA AT
THE BEST PRICES!**

Sign up today at any **The Movies** location
and **start enjoying great benefits!**

Durante Weganan Insular

Alumnonan di dos scol basico a crea lazonan fuerte di amistad

ORANJESTAD (AAN): E ta algo cu sa wordo nota no djis durante weganan local, pero tambe ora di weganan internacional unda atletanan di diferente pais ta haya chens di comunica cu otro, y asina crea lazo di amistad cu por dura pa semper. Recientemente durante e popular Weganan Interinsular, por a mira un union desaroya entre e muchanan di e scol basico St. Paulus School di San Nicolas, y St. Dominicus College di Playa. Muchanan ta social y mesora ta forma amistad nobo y esaki ta algo di admira den e siglo nobo aki. Asina nan ta sinta sigui combersa, ta hasta come hunto, y e potretnan ta papia pa nan mes. Algo peculiar ta cu durante wega tambe nan tabata apoya otro pa presta mihor deportivamente. Momentonan cu lo keda pa semper.



Noticia Internacional

Nan a logra saca decenas di detenido for di Prison

Varios gang cu hopi venganza a sali bay ataca centro di Haiti



PORT-AU-PRINCE: Diferente gang fuertemente arma a ataca ciudad di Mirebalais riba Dialuna, cu ta situa den centro di Haiti. Aki nan a tuma control over di un prison local, mientras centenas di hende a huy for di e area meymey di e tironan.

A keda confirma cu e miembronan di gangnan a bay y libera decenas di detenido durante e atake di gran escala contra cierto parti di Mirebalais, cu ta apenas 48 kilometer noordwest di e capital, Port-au-Prince.

Un video cu a ser poni riba social media ta muestra un homber cu un mitrailleur, mientras cu hendenan rond di dje tabat agitando "Ban libera e presonan!" Poco

despues nan a cuminsa canta "Nan no por stop nos".

No por a localiza ningun funcionario di Mirebalais pa haya sa con e situacion ta. Hecho si ta cu a duna ordo pa tur scol keda cera, y un grupo di auto-defensa a yuda Polis combati e gangnan cu tabata buscando forma pa controla henter e ciudad.

E atake riba Mirebalais a socede un poco prome cu solo a sali. E habitantenan di

Mirebalais mes a purba tur cu nan por pa defende e ciudad, pero nan no por a resisti e atake.

Sinembargo a compronde cu dos miembro di e grupo di autodefensa civil a keda herida, y varios miembro di gang a muri. Pero toch Mirebalais a keda 'bashi', debi cu hopi habitante a huy pa un pueblo cercano, mientras cu e miembronan di gang tabata kima cas, auto-, y edificionan.

Rey Charles III ya ta bek na tur e actonan oficial

LONDON: Rey Charles III a start Diamars bek cu su actividadnan oficial, despues di un pausa di tres dia pa



recupera su mes di e 'efectonan secundario' di su tratamiento contra cancer, y tabata presente na un acto di entrega di condecoracion na Windsor Castle.

E rey di 76 aña di edad a aparece cu sonrisa ta entregando condecoracionnan na Ordo di Imperio Britanico na varios persona, incluyendo e dama di Argentina, esta Marianela Nuñez, kende t abailarina principal di London Royal Ballet desde 2002.

Rey Charles II desde Februari 2024 ta ricibiendo tratamiento pa un cancer, di cual su naturaleza nunca a wordo divulga. Diahuebs el a ricibi consejo di Docternan pa e descansa pasobra el a sinti hopi efecto secundario di su tratamiento.

INTERNACIONAL NOTICIA FOR DI COLOMBIA

VENEZOLANO ATACA DOOR DI 9 CACHO DI CAYA

BOGOTA: Un venezolano identifica como Greiber Eduardo Berrío di 19 aña, a wordo ataca na forma feroz



door di algun cacho di caya den sector Potreritos na localidad di Bosa na parti zuid di Bogota. Docternan a haya nan obliga di amputa tur dos braza, y tambe oreanan debi na e magnitud di e atake. Su tata, Guillermo Berrío a bisa cu e nueve cachonan di caya aki pa varios siman a bin ta slenter den e zona ey. El a bisa cu e hoben a perde su brazanan debi na e brutalidad di e atake. "E estado di salud di mi yiu ta bastante delicado debi na tur mordi cu el a ricibi di e animalnan. Aworaki e ta hospitaliza den Intensive Care, y ta intuba. El a yaa autoriad, a yama gruponan encarga cu control di animal, pero ningun hende ta worry cu su denuncia. El a splica si cu ta Polisnan ta esnan cu a transporta e hoben pa Hospital di Bosa, y e siguiente dia a wordo manda pa Hospital na Kennedy. Na Kennedy e docternan a haya nan obliga di kita tur dos braza, pasobra nan a haya infeccion enorme. Un docter a bisa cu e hoben tabatin mas di 150 mordi di cacho. Nan a ranca su dos oreanan, y e unico parti cu nan no a morde tabata su parti intimo y pianan. Pa awor e ta den Intensive Care di Hospital na Kennedy.

AWACERO PISA NA CALI CU HOPI INUNDACION

CALI: Siman a habri cu awacero torencial bashando principalmente den e parti panort di ciudad di Cali, aunke



a confronta situacion di inundacion den diferente sector di e ciudad. Por bisa cu henter e sistema di riolering a colapsa, hunto cu trafico di auto y vehiculo. Un di e zonanan mas afecta tabata bario la Campiña, unda habitantenan a indica cu e rooi El Bosque a bay over, y a yena diferente cas. Habitantenan tabata furioso cu no a haya yudansa di autoridad, y nan mes a pone man na obra pa trata di reduci e forza di awa cu ta drenta nan cas. Hendenan keto bay tabata tira sushi den e rooinan aki, y awor esaki a bay pega den riolering y ata awa no por spula mas y bay. Hasta Coliseo del Pueblo a yena paden bastante cu awa.

DOS BUS DAL Y BOLTER LAGANDO VARIOS MORTO

BOGOTA: Dos bus grandi a dal den otro den sector Palmeras na municipio Gachancipá riba e caminda di



Bogota pa Tunja. Consecuencia di esey ta cu ambos Bus a bolter, cu por lo menos dos persona a perde su bida, y 15 persona a resulta herida. Multitud di Ambulance a wordo manda eynan pa yuda



transporta esnan herida. Un di e Busnan tabata moviendo di Bucaramanga rumbo pa Bogota. Polis a bisa cu uno di esnan cu a perde su bida ta Elza Garzon Forero di 55 aña, y e otro ta Nelson Malagón Tinjaca di 56 aña. Tin un persona mas cu a muri, pero e no a wordo identifica.

Recall mundial pa e chuculati aki di Belgica

BRUSELAS: Autoridadnan di Salubridad Publico a duna ordo pa saca for di mercado, un conocido marca di chuculati, debi cu den dje lo por tin presencia di fragmentonan metalico cu lo por pone na riesgo e salud di esnan cu ta come esaki.

Alarma a wordo bati Dialuna 31 di Maart, unda ta adverti riba e marca di chuculati 'Chocœur', procedente di Belgica. Ta trata di e number di lot 159917 di e producto 'Choco Changer', Caramel Sea Salt, y e fecha cu e ta caduca ta dia 21 October 2025, cu peso di 150 gram.

Mientras tanto e Distribuidor di e chuculati aki a confirma cu nan a recall e producto di tiendanan y tambe website. Nan ta suplica esnan cu lo por a cumpra e chuculati aki, pa no come nan.



Noticia Internacional

Debi na incertidumbrenan den gueranan comercial

Prijs di oro ta yegando record nobo y mercadonan ta yen di ansha



NEW YORK: Mercadonan di balor rond mundo ta sigui cay, debi na temornan riba politicanan comercial protec-cionista di president Donald Trump, y pa awor e inversionistanan ta keda cu nan wowo fiha riba oro, di cual prijs futuro riba Dialuna a drenta teritorio nobo.

E recien ronda di impuesto- nan di importacion cu Trump a ordena lo drenta na vigor awe Diaranson, cual dia e president ta yamando "Liberation Day".

E interes di cumpra oro por aumenta drasticamente den

temponan di incertidumbre, ora e inversionistanan ansioso ta busca un refugio sigur pa nan placa. Prijs di oro a bay halto ora cu e politica di impuesto nobo di importacion a cuminsa marcando un guera comercial internacional cu a sacudi mercadonan financiero y ta menaza di trece bek inflacion tanto pa famia- como tambe negoshinan.

Si e sigui cu e tendencia aki, analistanan ta sigur cu prijs di oro lo por sigui subi den siguiente lunanan. Pero metalnan precioso tambe ta activonan

volatil, pues nan futuro nunca ta garantiza.

Riba Dialuna cu a pasa, prijs di oro na New York a yega na un record di \$3.122,80 pa troy ounce, cu ta e standard pa midi metalnan precioso, cu ta igual na 31 gram. Esey ta \$886 mas hopi (como 40%) compara cu un aña pasa. Prijs di oro a subi cu 19% desde comienso di 2025, segun e compania di data FactSet.

Di otro banda, tin di tuma nota cu e mercado di bolsa a cay, e.o. S&P500 a perde 4,5% e aña aki caba.

A haya mas di 1 ton di cocaina cla pa wordo manda rumbo Europa



CARTAGENA: Polis Nacional di Colombia a confirma Dialuna cu nan a confisca riba di 1 ton di cocaina na Cartagena. E cocaina tabata scondi den ekipo electromagnetico poni den un container. El a wordo detecta, y asina a los algun panel di e aparato, y a bin haya 1.146 kilo di

cocaina scondi.

E container a yega e Waf di Cartagena for di departamen- to di Valle del Cauca, y sperando turno pa wordo poni riba barco rumbo pa Hamburg, Alemania.

E droga aki riba caya na Europa lo tabatin balor di 53 milyon Euro.

Ta ora di scan e Container, e oficialnan hudicial a mira cu tin algo den dje cu no ta cuadra, y pesey a dicidi na haci un chequeo mas profundo.

Asina e oficialnan anti- droga a bin descubri e droga bunita asina poni den e aparato electromagnetico aki, y nan a saca tur paki for di dje.

INTERNACIONAL NOTICIA FOR DI VENEZUELA

TEAM DI BASEBALL VENEZOLANO A PIDI ASILO



CARACAS: Diesseis basebolista venezolano, di cual dos ta menor di edad, a pidi asilo na ciudad di Barcelona na Spaña, ora cu nan tur a acudi na Wardanan di Polis eynan. E hobennan a ateriza na Madrid y poco despues a core di eynan te Barcelona den Bus, un movimiento cu ta poco straño pa Polis di Spaña, y pesey ta investigando e motibonan pakico nan a bay pidi asilo na Barcelona. Nan lo tin di keda te Diahuebs, ora cu cada uno di nan (excepto e menornan) lo wordo entrevista pa splica nan motibo di viahe pa Spaña y e peticion di asilo. Nan viahe pa Spaña ta debi cu nan tabatin un wega pa hunga na Barcelona. E team di baseball yama 'Team Guevara' y ta competi den un Liga senior Latinoamericano Sub 23. Nan ta na Spaña pasobra nan ta competi den un tour europeo yama 'Europa 2025' den cual nan ta busca pa estrecha lazo deportivo cu clubnan internacional. E hobennan a menciona tambe cu nan tin planea un wega na Madrid pero esey a keda posponi debi na mal tempo, y cu nan tabatin despues uno planea na Barcelona, aunke nan no kier a bisa ki dia ni contra cua ekipo.

STUDIANTE SER GOLPIA Y MATA DOOR DI PAREHA

CIUDAD BOLIVAR: Autoridad a confirma cu e hoben Emilza Medina a muri na man di su pareha na localidad



di El Palmar, na municipio Padre Pedro Chien na estado Bolivar, despues cu e homber a keda yena su curpa cu golpi. E agresor a wordo identifica como Jonas Moreno Lezama, kende a laga

e curpa di e dama hoben yena cu trauma tur rond. Hendenan a core hiba e dama estudiante hoben pa un Hospital, pero poco despues di su yegada el a fayece a consecuencia di e heridan. Ta algun otro estudiante cu ta bay scol cu Emilza Medina, a logra di core su tras y gara e homber, y a keda wante te ora cu unidad di Polis a yega. Nan no a suministra edad di e dama, pero a indica cu ta investigando e caso.

LOKE A PASA ORA KITA SMARTPHONE DI MUCHA

MERIDA: E mucha homber Marzu Gabriel González Garcia di 12 aña, a dicidi na pone fin na su mesun bida



riba Diasabra anochi. E ta estudiante di prome aña di scol avanza, y ta biba cu su famia na parokia Pulido Mendez, di municipio Alberto Adriani na estado Merida. Ora cu su famia a ripara loke a pasa, nan a

core hiba e mucha pa un Hospital, pero el a yega eynan sin señal vital. Docternan a yama Polis pa check ta kico a pasa. Team forensico a determina cu e hoben a stik su mes. Ora cu Polis a cuminsa papia cu famianan, nan a bin haya sa cu e mama di e mucha a kita su smartphone di dje, y esaki a dal e hoben basta duro, pasobra problemanan a escala y el a dicidi na comete lo extremo.

**Pa chica Pos - Habri tuberia y wc.
Servicio lihe y confiabel.**
Experiencia ta manda
CICLONE
Septic Tank Service
Tel: 564-0607 / 734-0607

HERO BIEU
Auto bieue den cura?
Nos ta pikje pornada.
Frigidaire, wasmachine,
dryer, stoof, aircro, batera.
Yama 561-4297 of
561-5179. Arubiano balente.

**TA BENDE/TE KOOP
GANGA-GANGA**
Mercedes Benz C-200
autm., aircro, full equip,
bjr 2009.
Prijs Afl. 12.000,- O.B.O.
Yama: 641-6223

**CONSTRUCCION
REMEDIACION**
Nos ta traha y drecha tur sorto
di dak: shingle, eterniet, panchi,
zink. Pega bloki, tegels, plafond,
pleister, pone porta, lanta cura,
basha vloer, construcccion di cas
y apto bon prijs. Free quotation.
Tel: 561-2137

**TIRA SUSHI / CHAPI
VERF / PLUMBING**
Nos ta haci tur sorto di chapi
y verf cas, edificio y school.
Nos ta tira sushi Ecotech,
y haci plumbing.
Tel/Whatsapp: 561-1397

**DM Auto Spot Vba
TA BUSCA**
- Electro auto monteur
- Diesel monteur
Tuma contacto na
+297 6998950

TA CHAPI
Corta mata.
Ta tira sushi afo. Nos
ta hardineria completo
na super bon prijs.
Tel: 569-8003

TA BENDE
muebels y cosnan
di cas na
Pos Chiquito.
Tel: 561-7384

FARO BLANCO RESTAURANT N.V.
Tin mester di
Kitchen Helpers.
Tuma contact
na 586-0786

KABAYAN SNACK & TAKE AWAY
Tin mester di
Kitchen Helpers.
Tuma contact
na 661-4504

DIARIO
Pa noticia, cumpleaños,
comentario, redaccion:
noticia@diario.aw
Tel: 582-6747

Den e "Quality of Healthcare Conference" Crescenzia Biemans a elabora tocante e programa di calidad cu Bucuti & Tara Resorts ta implementa *P'esey e ta dentro di e top 25 miho hotelnan na mundo



ORANJESTAD (AAN) – Crescenzia Biemans, Chief Property Officer di Bucuti & Tara Beach Resort, ken tambe a participa den e "Quality of Healthcare Conference", den entrevista cu DIARIO a menciona tocante su tema, cu ta e programa cu e hotel a bin ta desaroyando pa hopi aña, pa cumpli cu henter un ecosistema pa calidad di cuidu pa e huesped y pa su empleadonan.

El a papia di con Bucuti & Tara Resort, un compania local a logra di tin e mesun standardnan di cuidu no solamente pa su huespednan pero tambe pa su empleadonan y pa e planeta.

"Esaki a yuda nos wordo nombra entre un di e top 25 mihor hotelnan na mundo, y tambe como e hotel mas eco-certifica na mundo. E pro-



grama ta completo y, eigenlijk, tin mas di 20 aña caba cu nos ta trahando riba dje. E ta encera tur cos, cual ta sostenibilidad, pero tambe un nivel halto di cuidu y di luho pa nos huespednan, p'asina nan sinti cu nan tin un vacacion memorable pero, ademá, cu nan ta haci bon pa nos isla y pa nos planeta tambe, ora nan ta keda cu nos.

"Nos ta hopi feliz, nos ocupacion ta 97% full aña, pues esey ta muestra cu nan gusta nos programa, cu nan ta bin Aruba y ta laga algo bon atras, y esey ta loke nos kier pa un compania local, tambe", Crescenzia a señala.

E programa aki ta nifica pa e trahadornan hopi training, hopi educacion, ta splica nan di con e hotel ta haci locual e ta haci, y ora nan compronde nan ta hiba e enseñanzanan aki na nan bida priva, y e ta algo cu semper nan ta hopi orguyoso di dje.

Algo hopi bon ta cu e hotelnan ta siña di otro y ta comparti cu otro. Otro hotelnan ta siña di e programa di Bucuti & Tara Beach Resort, pa nan tambe implement'e. Asina Crescenzia Biemans a duna di conoce.

*The LORD is my shepherd;
I shall not want.
He maketh me to lie down in green pastures:
he leadeth me beside the still waters.
He restoreth my soul:
he leadeth me in the paths of righteousness
for his name's sake.
Psalm 23; 1, 2, 3*

It is with profound sadness and deepest sorrow that we announce the passing of our beloved Mother, Grandmother, Sister, Aunt, Cousin and Friend:



**Cornelia Everdina Catharina Maria
Pinxter**

**Known as: "Carola Pinxter" and "Oma
Pinxter"**

Sunrise: May 11th, 1946, Amsterdam

Sunset: March 31st, 2025, Aruba

Left to mourn are:

Her Daughter:

Chantalle Schwengle Pas & Jerry Schwengle

Her Sisters:

Nelleke den Boer-Pinxter & Wilbert den Boer

†Marijke Schütz – Pinxter & Guido Schütz

Anneke Pinxter

Barbara Pinxter

Hubertine Klauwers-Pinxter & †Hans Klauwers

Father of her Children:

Tom Pas

Her Grandchildren:

Jean-Luc Schwengle

Britta Schwengle

Isabella Pas

Sebastian Pas

Care givers:

Sharon and Dominic (Forever Grateful)

Carola Pinxter is Predeceased by:

Her Father: Pieter Pinxter

Her Mother: Margaretha Pinxter – De Smet

Her Sister: Marijke Schütz - Pinxter

Her Son: Cedric Pas

Carola Pinxter relatives include the families:

Pinxter, De Smet, Pas, Schwengle, Santana, den Boer, Schütz, Dijkstra and Klauwers.

The Funeral Service will take place on

Thursday, April 3rd 2025 from 2:00 Pm till 4:00

Pm at Ad Patres Funeral Home &

Crematorium in San Nicolas.

**Cremation will take place in the presence of
close family.**

*Staff and Management of Ad Patres Funeral
Home & Crematorium extend their most sincere
condolences to the bereaved family.*



AD PATRES
funeral home

Van Rensselaerstraat 2
584-2299 / 737-2299
adpatres@qualityservice.com
Family owned and operated

Respaldo kier brinda un miho servicio na e comunidad den e area di Salud Mental



ORANJESTAD (AAN): Recientemente Respaldo a presenta na su stakeholders y invitadonan e Aspiracion 2030 y nan Logo Nobo.

E directora di Respaldo señora Caroline Hart a haci un presentacion na e diferente stakeholders cu ta traha cu Respaldo riba e tereno di salud mental.

Señora Hart a elabora riba e plannan pa futuro di Respal-

do. E aspiracion cu Respaldo tin pa cu tratamiento di su clientenan y di su empleadonan. E rol cu Respaldo kier tin den futuro pa cu e comunidad di Aruba.

E plannan no ta solamente pa brinda un miho servicio na e comunidad di Aruba den e area di Salud Mental, pero pa eleva e calidad di e servicio en general, como tambe riba tereno di sostenibilidad y inclusiv-

dad den Salud Mental. Ta di suma importancia pa cuminsa cu e trabou internamente unda cu e empleadonan ta central y ta hunga un rol hopi importante pa na final Respaldo por brinda nos comunidad e servicio di calidad cu ta necesario.

Hart a informa tambe di e proyectonan cu Respaldo ta ehecutando actualmente pa asina por logra e metanan di futuro. E proyectonan ta inclui, training pa e personal, servicicionan nobo, colaboracion cu otro organisacionnan local y internacional como tambe sistemanan automatiza.

Riba e anochi aki tambe Respaldo a presenta su Logo Nobo. E logo nobo di Respaldo ta un simbolo poderoso cu visualmente ta duna bida na e meta principal, e vision y balornan basico. Cada elemento den e logo a ser diseña pa refleha e compromiso na cuida di salud mental y e meta pa un Aruba mentalmente mas sano.

E significado di e logo den su totalidad ta representa e Aspiracion 2030 di Respaldo cual ta: "Rumbo pa un organizacion di salud mental especializada profesional y sostenibel pa un Aruba mentalmente sano". E man cu ta sostene e celebro ta personifica e mision pa traha hunto cu y rond di e cliente, poniendo semper nan bienestar na prome lugar. E strepinan cu ta conecta ta subraya e importancia di cooperacion, den Respaldo su organizacion y tambe cu e socionan, pa por ofrece un cadena di cuida sin obstaculo.

E colorman y simbolonan den e logo ta refleha tambe e ambicion pa sostenibilidad: Respaldo ta busca pa contribui na e '2030 Agenda for Sustainable Development Goals' di Nacionnan Uni, cu un enfoque riba salud mental sostenibel y un maneho sostenibel di su organizacion.

E logo aki ta mas cu solamente un imagen visual; e ta un resumen di ken Respaldo ta como organizacion, kiconan ta persigui y con nan ta conecta cu e comunidad cu nan ta sirbi. E ta representa e entrega continuo pa duna cuida di calidad halto, empatico y sostenibel na tur hende na Aruba.

Aurora
Royal Pray
Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com


"Señor ta mi wardador, mi'n tin falta di nada. Den cunucu di yerba berde e ta ponemi sosega. E ta hibami na awa trankil, pa mi bolbe haña forza".

Salmo: 23

Ta participa fayecimento di:

André Arnoud Herts
***30-01-1946 - †30-03-2025**

Acto di despedida lo wordo anuncia despues



Aurora
Royal Pray
Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Gradicimento y Invitacion

Di parti di famia Werleman nos kier a manda un agradecimento na un y tur cu a duna sosten den e momentonan dificil aki, cu despedida di nos Querido:

Juan Dominico Werleman



Nos ta aprecia e atencion y tur e palabranan di consuelo, apoyo, cariño, elogio, reconocimiento y gratitud na papa su participacion den bida di cada uno. E condolencianan via plataforman social, e kransnan y e Bunita Mata di Granatappel ricibi y bunita contribushonnan.

Nos Consuelo di mas Grandi, ta boso muestra di atencion.

**Nos kier a invita pa 3 dia di oracion na cas,
Siribana # 6,
Fechanan: diaranson 2, diahueps 3 y
diabierna 4 di April 2025
Orario: 7:30PM**

Masha Danki

Aurora
Royal Pray
Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Señor ta mi wardador, mi'n tin falta di nada. Den cunucu di yerba berde e ta pone mi sosega. E ta hibami na awa trankil. Pa mi bolbe haña forza.

Salmo 23

Cu duele na nos curason, pero agradecido pa e bida largo cu Señor a dune, nos ta participa fayecimento di nos mama, nos machi stima:

Sra. Vuida Bernardina Croes-Kelly
Mihor conoci como Tina, Machi Tina, Tan Tina, Dina
Na e bunita edad di 95 aña



Na number di su yiunan:

Dominico "Ovi" Croes y Adelaida Erasmus y famia
Rudolfo "Ronny" Croes
Lufrido "Frido" Croes y Lidia Croes-Leest
†Rolando Croes

Su nieto- y nietanan stima:

Ryan Croes y Cindia Peña
Dr. Kenneth Croes
Lydianne y Audrey Croes-Kan
Tamalis Croes

Lucas Croes

Ethan Croes

Su 3 bisanieto/bisanieta hopi stima:

Zxenon Croes

Taniyah Croes

Anthwang Croes

Tur su rumannan defunto den feliz memoria y nan distinguido famia

Tur subrinu- y subrinannan y su ihanan

Un danki special na su ayudante cu a cuide cu hopi amor y cariño Laurie Wever-Rodriquez y su esposo Gilbert Wever, Charity Kock cu a dune hopi cuida cu hopi amor y cariño, zusternan di Wit Gele Kruis y su doctor di cas Dr. Fernandes

Su amiganan di cas manera famia:

Juanita y Rubira Roys

Elimina "Negra" Atencio-Romero, Lucia Marquez-Werleman y Swinda Sevinger

Famianan: Croes, Kelly, Boekhoudt, Leest, de Mey, Feliciano, Erasmus, Peña, Kan, Kock, Roys demas famia

Ta invita tur amistadnan, bisiñanan, conocinan pa asisti na e acto di despedida y entiero cu lo tuma lugar:

**Diabierna 4 April 2025
Na Aurora Funeral Home
Ora 2:00-4:00 pm**

Despues di respons ta sali pa Santana Catolico na Paradera

Nos machi stimá: Danki pa tur cos cu machi a haci y significa pa nos. Awor ta momento pa sosegá dushi den braza di Señor

Nos kier a pidi disculpa si nos por a lubida un of otro familia den nos tristeza.

THE SEASON OF YOU Up to 35% Off



**LAVINTON
KING POSTER
BEDFRAME**

(B764-50-72-97)

NOW **AWG.1,499**
WAS **AWG.2,049**
SAVE **AWG.550**



NEIRA RAF SOFA
(2720267)
NOW **AWG.3,598**
WAS **AWG.4,598**
SAVE **AWG.1,000**



**DANNAFIELD
ROCKER
RECLINER**
(1640625)
NOW **AWG.899**
WAS **AWG.1,119**
SAVE **AWG.220**



SCAN ME

**Love it?
We'll
help you
finance it**

WITH 3 TO 36 MONTHS
FLEXIBLE FINANCING
OPTIONS AVAILABLE

VISIT US MONDAY TO SATURDAY: 9AM - 6PM AT:
AMC UNICON MEGASTORE
L.G. SMITH BLVD, 144 ORANJESTAD

Telephone:
521-1180
f i

Offer ends
April 30, 2025.
Special conditions apply.

Ashley
FURNITURE HOMESTORE

Dianna a celebra su cumpleaños cu un paseo riba motorcycle



ORANJESTAD (AAN): Awendia ora un persona cumpli aña, tin tur sorto di forma pa festeha esaki. Keto bay popular ta e picnic na beach cu amigonan. Otronan ta bay Restaurant y mas.

Pero ora cu Dianna a festeha su cumpleaños, el a decidi na integra su celebracion cu un "Bike Ride" rond di Aruba, cu su famia y amigonan.

Esey ta loke a socede Diadomingo, y e actividad a bira conoci como "Dianna's Birthday Ride".

El a invita tur su amigonan Biker pa asina dal un paseo unico.

Fotografo di DIARIO a topa cu e grupo aki net ora cu nan a dal un pausa na Tienda Geerman na Tanki Leendert. Palabra di pabien na Dianna cu su fecha natal.

